

第一
小畜集鈔
騎省集鈔

第二卷 欠

柳田文庫
文庫11
D 156
1



良 孟舉 同選
牧

詩鈔初

集

錢氏
古堂藏

文庫 11
D 156
1

序

自嘉隆以還言詩家尊唐
而黜宋宋人集覆瓿糊壁
棄之若不克盡故今日蒐
購最難得黜宋詩者曰腐
此未見宋詩也宋人之詩

010190554037

47-12174

序

自嘉隆以還言詩家尊唐而黜宋宋人集覆瓿糊壁棄之若不克盡故今日蒐購最難得黜宋詩者曰腐此未見宋詩也宋人之詩



變化於唐而出其所自得
皮毛落盡精神獨存不知
者或以爲腐後人無識倦
於講求喜其說之省事而
地位高也則羣奉腐之一
字以廢全宋之詩故今之
黜宋者皆未見宋詩者也
雖見之而不能辨其原流
則見與不見等此病不在
黜宋而在尊唐蓋所尊者
嘉隆後之所謂唐而非唐
宋人之唐也唐非其唐則

宋非其宋以爲腐也固宜
宋之去唐也近而宋人之
用力於唐也尤精以專今
欲以鹵莽剽竊之說凌古
人而上之是猶逐父而禰
其祖固不直宋人之軒渠
亦唐之所吐而不響非類
也曹學佺序宋詩謂取材
廣而命意新不勦襲前人
一字然則詩之不腐未有
如宋者矣今之尊唐者目
未及唐詩之全守嘉隆間



固陋之本皆宋人已陳之
芻狗踐其首脊蘇而爨之
久矣顧復取而篋衍文繡
之陳陳相因千喙一唱乃
所謂腐也譬之膾炙翻故
出新極烹芼之巧則爲珍
美矣三朝三暮數進而
不變臭味俱敗猶以爲珍
美也腐乎不腐乎故臭腐神
奇從乎所化嘉隆之謂唐
唐之臭腐也宋人化之斯
神奇矣唐宋人之唐唐宋

之神奇也。嘉隆後人化之，斯臭腐矣。迺腐者以不腐爲腐，此何異狂國之狂，其不狂者歟。萬曆間李蓑選宋詩，取其離遠於宋而近附乎唐者。曹學佺亦云：選始萊公以其近唐調也。以此義選宋詩，其所謂唐終不可近也。而宋人之詩則已亾矣。余與家弟自牧所選，蓋反是。盡宋人之長，使各極其致，故門戶甚博。不

以一說蔽古人非尊宋於唐也欲天下黜宋者得見宋之爲宋如此其爲腐與不腐未知何如而後徐議其合黜與否或繇是而疑此數百年中文人老學游居寢食於唐者不翅十倍後人何獨於嘉隆之說求一端之合而不可得因忽悟其所以然則是集也未必非唐以後詩道之巫陽也夫

書

康熙辛亥仲秋之朔洲錢
吳之振書於鑑古堂



敘

昔之內 雲巖柴 望撰
方今風雅道盛不啻戶詩
家人騷客矣其境日盡則
其致日新而皮見者謂為
得之於宋詎知三百以還

具天地秀傑之氣以生者
類能形容刻畫啓未發之
精以成爲一人一代之作
而必內宋而外唐是何異
昔之內竟陵而外七子爲
文人習氣乎揆厥所由要
皆有新之見者存也夫三
統相繼必踵乎前代而進
退之而升降損益究爲運
會所適然善作者亦無庸
預乎其際歷古今皆一軌
則陳陳者廢且絕寧待今

日哉。河梁十九首尚矣。初盛以高渾爲氣格。中唐號爲嫺雅。降及晚唐。則以雕刻取致。卽唐一代之詩。且遞變若此。而欲以之範宋人可乎。宋固有宋之詩也。宋又不一。宋也。宋以後莫不有然。其孰使之而然。卽四時亦何不然。春秋代謝。乍菀乍枯。菀枯者不知也。執一之論。烏乎其當人意也。就一人之身而論。少之

所得比壯而厭棄之壯之
所得比老而厭棄之其推
移又四時若也因其所適
然而發之爲詩弗錮師說
弗叅已見卽好新者之喩
可窒而生平所沉浸亦可
遞爲遷矣宋四名家之刻
得毋猶有新之見者存乎
夫新故何常之有始以獨
造爲新繼以間出爲新終
且以雷同附和爲新故其
所長新與新其所必故皆

不明於運會適然之故者也。四家之詩長新之物也。推而上之四唐何常不新。推而上之漢魏六朝又何常不新。壻周子暨兒升獨欣然有是選。重懼世之以洩泄爲零陵香者。其果不謬戾。古人異於今之好新者耶。樂其志於風雅也。爰弁之以辭。



宋詩鈔初集目錄

王禹偁 小畜集

徐鉉 騎省集

韓琦 安陽集

蘇舜欽 滄浪集

張詠 乖崖集

趙抃 清獻集

梅堯臣 宛陵集

余靖 武溪集

歐陽修 文忠集

林逋 和靖集

石介 徂徠集

宋詩鈔初集目錄

宋文以編

香眼樂其志效風標出受

鸞吳古人異效今之效

野斷為零刻香香其果

孔武仲

清江集

孔文仲

清江集

孔平仲

清江集

韓絳

南陽集

王安石

臨川集

蘇軾

東坡集

小畜集鈔

王禹偁字元之濟州鉅野人九歲能文太平興國八年
 進士授成武主簿徙知長洲縣端拱初召試擢右拾遺
 直史館拜左司諫知制誥坐劾妖尼貶商州團練使量
 移解州進拜左正言直弘文館出知單州尋召為禮部
 員外郎再知制誥至道元年入翰林為學士知審官院
 兼通進銀臺封駁司又坐謗訕罷為工部郎中知滁州
 揚州召還知制誥又坐實錄直書出知黃州徙蘄州而
 卒年四十八今有小畜集六十二卷紹興丁卯沈虞卿
 所編也當時元之自編按其序則三十卷宋史言二十
 卷脫誤也元之詩學李杜故其贈朱巖詩云誰憐所好
 還同我韓柳文章李杜詩學杜而未至故其示子詩云

本與樂天為後進。敢期子美是前身。是時西崑之體方
盛。元之獨開。有宋風氣。於是歐陽文忠得以承流接響。
文忠之詩。雄深過於元之。然元之固其盛。觴矣。穆修尹
洙為古文於人所不為之時。元之則為杜詩於人所不
為之時者也。

酬神放微君一百韻

太歲在辛卯。九月萬木落。是時太陰虧。占云臣道剝。王生
出紫微。譴逐走商洛。扶親又抱子。迤邐過京索。弊車載詩
史。病馬懸囊橐。西都不敢住。空負香山約。閣卿正南路。秦
黃峭如削。肩輿碍巨石。十步三四却。妻孥亦徒步。積礫不
容脚。山店蓋木皮。烟火渾薰灼。夜深聞贊虎。合家屢驚懼。
由來何業回。切裂無檢鈞。卸鞍引羸蹄。解襪事芒屨。晨

髮可鑿。朝涉懸如斷。商山六百里。天設皆岩嶒。上洛在其
東。羸年曾未若。逐臣自可死。何必在遠惡。剝史不坡傾。古
寺野淹泊。卜居雜民昨。致養無精糲。知道由自寬。有親強
為藥。側聞神先生。終南卧雲經。長沮既躬耕。元禮仍開學。
王績婦未娶。介潔翹孤鶴。之推毋偕隱。教誨修天爵。詩情
亦嗜酒。道氣不服藥。田衣剪荷芰。野飯烹蒹葭。霧豹澤文
彩。冥鴻避繒繳。官從羔雁聘。唯恐簪裾縛。如何宋右史。斥
鷃議鵬鶚。起居舍人朱維翰奏稱放隱居終
南乞量才錄用頗為識者所笑玄纁與丹詔。
恩禮誠非薄。仍勅京兆府。敦諭辭恭恪。先生戀板輿。純孝
心堅確。散髮走烟巒。拜章謝恩渥。巨材猶在澗。大玉不出
璞。使者遂空回。軟輪何寂寞。賢母召微君。庭責詞嗃嗃。胡
為事章句。漏名入街郭。府縣污我山。胥徒課吾幄。以茲近

聲利安得成高邁。誓將從窮谷。庶可逃誼濁。先生拜引過。
爲壽開樽杓。陶陶又熙熙。何啻聞竿籥。人傳到遷客。面目
頓。斷作器。小識不遠。當年事頭角。遭時得一第。游宦何離
齷。逐羶甚蚍蜉。鬪耀同蝟螭。宰邑乏絃歌。諫垣無謬誤。便
番朱紫綬。僭袞絲綸閣。方號駸駸。龍已困狴狴。待罪始
知非。咄哉昧先覺。一聆高世行。罪髮庸可擢。忍耻賦三章。
塵埃寄一作寥廓。明年會恩宥。量移升蛙躍。靡暇謁南山。征
途望西嶽。黃河波洶湧。白徑若班駁。中條圍解縣。五老烟
蟲蠹。此焉爲郡副。烏敢事隕穫。籠禽幸未死。尚且謀飲啄。
米呼村婢舂。樵顧山童斫。飼馬粹寒蕪。看書熟秋穰。信口
亦吟哦。放心無適莫。君恩已絕望。人事終難度。相府一張
紙。喚起久屈蠖。誠知有梁棟。未忍棄榱桷。五城天上開。三

殿雲間卓。重取政衣冠。籠裹山猿獲。病翼得風雲。壞牆勞
補塈。諫官與史氏。舊職聊羈絡。舉袖拂石螭。凝眸睨金雀。
冥心想前事。一夢何揮霍。長恐先生聞。倚松成大噱。關中
朋友來。遺我神仙作。繁華遠容綺。錚鏦美金錯。古澹啜銅
羹。大雅鏗木鐸。千言距百韻。旨趣何綽綽。孰念氣如虹。翻
然輕抵鵲。俊甚麻姑爪。快比屠門嚼。渾金豈在鎔。尺璧寧
施琢。愈風齊捧檄。忘味同聞樂。置之向懷袖。日夕芬蘭若。
褒我塵俗韻。鉛刀化干莫。同聲必有應。過實還疑謔。盛夸
山中事。雲屋張霞幕。蘭茝含露採。石髓和煙酌。東由泉滌
耳。園綺芝盈握。有時上絕頂。星斗近可摸。下視塵世人。營
營似蟲蠹。男兒旣束髮。出處岐路各。苟非秉陶鈞。卽去持
矛槊。致主比唐虞。安邊如衛霍。不爾爲逸人。深居返吾朴。

胡然自碌碌。名節亦銷燼。行年過半世。功業無圭勺。無術
鑄五兵。使民興錢鏹。無才統六師。逐寇開沙漠。空言說王
道。肆目看人瘼。多慚指佞草。虛效傾心藿。一覽大雅文。起
予亦何博。况茲山野性。謨畫昧方略。搔首謝朝簪。行將遂
耕鑿。

寄題陝府南溪兼簡孫何兄弟

甲湖在陝服。自昔名所重。許昌擅唐律。人口尚傳頌。舊迹
固藜莽。勝槩猶出眾。前年謫商于。過此方憂恐。無暇濯溪
泉。惻惻心甚痛。量移遇恩宥。方寸稍放縱。故人孫漢公。勤
懇事迎送。柅車得三宿。延我入溪洞。春殘尚有蝶。夏首始
見螻。朱櫻實頗煩。黃鳥聲亦竒。地幽接府署。亭高瞰村壟。
素湖水逶迤。入簷山巖巖。鯉魚自躍金。蝸篆燒餘汞。石色

君子介。荀亂小人勇。虛涼集鷗鷺。爽塏無蚊蠓。芟藂巧如
剪。萍根密非種。逕苔白斑駁。岸草玄蒼葦。官醞綠開瓶。時
果青出籠。醉中猛別復。依約似一夢。唯愁當要路。時仗棲
關葺。解梁雖近山。坑塢費耕種。常風自盪南。日夕塵塢墜。
雲泉既遼遠。草樹非秀聳。况茲炎蒸月。繫縛何所動。緬懷
八龍會。南溪與誰共。撮萼本多才。甘棠應少訟。枕簟與琴
書。鴛原盼自奉。篇章取李杜。講貫本姬孔。古文閱韓柳。時
粟聞晁董。清吹席上來。當暑開冰凍。菱脆擘瓊枝。瓜甘浮
蜜甯。氣秋綠蓀戰。露曉圓荷捧。照湖小賀監。溪堂輕馬摠。
此景且不同。此懷可表勸。平生好泉石。况復官散冗。近聞
田紫微。連水許就休。州舍人昂移軍州表援例苟得請。甲
湖當日用。終老占溪居。卧看秋泉湧。

七夕 商州作

去年七月七。直廬開獨坐。西日下紫垣。東窓昏青瑣。露柳
凋忽鳴。風簾燕頻過。寂寂紅藥堦。槿花開一朶。時清無詔
誥。性淡忘物我。兀然何所營。橫枕通中卧。夢入無何鄉。蛟
蝶甚么麼。孰謂處深岩。自得放慵惰。中官傳宣旨。御詩令
屬和。驚起儼衣冠。拜舞蒼苔破。逸翰龍蛇走。雅調金石播。
洋洋治世音。乃賡強牽課。暮隨丞相出。自謂天上墮。歸來
備乞巧。酒肴間瓜果。海物雜時味。羅列繁且夥。家人樂熙
熙。兒戲舞娉娑。寵辱方若驚。倚伏忽成禍。九月謫商于。羈
縻伏窮餓。夙儀因嗚。嘶驥足翻驚。跋山城已僻。陋旅舍甚
叢。勝夏旱麥禾死。春霜花木杌。吾親極衰耄。吾命何轆軻。
稚子啼我前。孺人病我左。玄髮半凋落。紫綬空垂拖。客計

魚脫泉。年光蟻旋磨。昨夜枕簟涼。西郊忽流火。河漢勢

淺。牛女姿婀娜。商土本磽確。商民久勞瘁。霜旱固不支。水

深復無奈。今歲商山秋大水居人且艱食。行商不通貨。郡小數千

家。今夕惟愁阿。吾兒索來禽。即林擒傾市得一顆。舉家成大

笑。愁眉略舒解。自念一歲間。榮辱兩偏頗。賴有道依據。故

得心安妥。窮乎止旅人。達也登王佐。匏瓜從繫滯。糠粃任

揚簸。批鳳不足言。失馬聊自賀。委順信吾生。無可無不可。

不見陽城驛 并序

予為兒童時。覽元白集。唱和陽城驛詩。時適貶江陵。過

兩山。感陽道州而作是詩也。且改驛為避賢郵。不忍呼

其諱也。樂天在翰林得而和之。又見杜紫微富水驛詩。題下解云富水驛舊名與陽諫議同。卒章曰驛名不合

輕移改留警朝天者惕然。淳化二年九月予自西掖左
宦商于訪其驛則無有也。檢之圖經求之郡境則富水
地存而驛廢。陽城之號遂莫知矣。因作古風詩申明三
賢之作。且以不見陽城驛爲首句。至于道州之行事元
詩盡之矣。此不復云。

不見陽城驛。空吟昔人詩。誰改避賢郵。唱首元微之。微之
謫江陵。顛頓爲判司。路道商山驛。一夕見嗟咨。所嗟陽道
州。抗直貞元時。時亦被斥逐。南荒終一麾。題詩改驛名。格
力何高奇。樂天在翰林。亦知遷客詞。遂使道州名。光與日
月齊。是後數十年。借問經者誰。留題富水驛。始見杜紫薇。
紫薇言驛名。不合輕改移。欲遣朝天者。惕然知在茲。一以
諱事神。名呼不忍爲。一以名警衆。名存教可施。爲善雖不
同。同歸化之基。邇來又百稔。編集空鱗。我遷上洛郡。罪
譴身繫維。舊詩猶可誦。古驛殊無遺。富水地雖在。陽城名
豈知。空想數君子。貫若珠累累。三章詩未泯。千古名亦垂。
德音苟不嗣。吾道當已而。前賢尚如此。今我復何悲。題此
商于驛。吟之聊自怡。

感流亡

謫居歲云暮。晨起厨無煙。賴有可愛日。懸在南榮遷。高春
已數丈。和暖如春天。門臨商于路。有客憇簷前。老翁與病
姬。頭髻皆皤然。呱呱三兒泣。慄慄一夫鰥。道糧無斗粟。路
費無百錢。聚頭未有食。顏色頗飢寒。試問何許人。答云家
長安。去年關輔旱。逐熟入穰川。婦死埋異鄉。客貧憇故園。
故園雖孔邇。秦嶺隔藍關。山深號六里。路峻名七盤。襁負

且乞丐。凍餒復險艱。惟愁大雨雪。殭死山谷間。我聞斯人語。倚戶獨長歎。爾爲流亡客。我爲冗散官。在官無俸祿。奉親乏甘鮮。因思筮仕來。倏忽過十年。峩冠蠹黔首。旅進長素餐。文翰皆徒爾。放逐固宜然。家貧與親老。覩爾聊自寬。

竹飈

商嶺多修篁。蒼翠連山谷。有鼠生其中。薦食無厭足。春筍齧生犀。秋筠折寒玉。飢飽致肥膩。優游恣蕃育。林密寫不攫。穴深犬難逐。鳳皇餓欲死。彼實無一掬。唯此竹間飈。琅玕長滿腹。暖戲綠叢陰。舉頭傲鴻鵠。不知商山民。愛爾身上肉。有錘利其鋒。有錐銛于鋸。開穴窘如囚。洞胸聲似哭。膏血尚淋漓。攜來入市鬻。竹也比賢良。鼠兮類商俗。所食旣非宜。所禍誠知速。吁嗟狡小人。乘時竊君祿。貴依社樹神。俸盜太倉粟。笙簧佞舌鳴。藥石嘉言伏。朝見秉大權。夕聞羅顯戮。李斯具五刑。趙高夷三族。信有司殺者。在暗明與燭。彼狡無害賢。彼鼠無食竹。

送筇杖與劉湛然道士

有客遺竹杖。九節共一枝。鶴脰老更長。龍骨乾且奇。我問何所來。來從西南夷。因息漢武帝。求此民力疲。明明聖天子。德教嘉四維。蠻盡臣妾。縣道皆羈縻。焚僮與笮馬。入貢何累累。此竹日以賤。輕視如蒿藜。我年三十七。血氣未全衰。况在紫微垣。動爲簪笏羈。倚壁如長聲。物歲月無所施。寸心空愛惜。惜此來天涯。忽承明主詔。來謁太乙祠。再見劉先生。氣貌清且羸。持此以爲贈。所謂得其宜。少助橘童力。好引花鹿隨。步月莫離手。看山聊搢頤。微物懶致書。

故作筇竹詩

對雪

帝鄉歲云暮。衡門晝長閉。五日免常參。三館無公事。讀書
夜臥遲。多成日高睡。睡起毛骨寒。窻牖瓊花墜。披衣出戶
看。飄飄滿天地。豈敢患貧居。聊將賀豐歲。月俸雖無餘。晨
炊且相繼。薪芻未闕供。酒肴亦能備。數杯奉親老。一酌均
兄弟。妻子不飢寒。相聚歌時瑞。因思河朔民。輸挽供邊鄙。
車重數十斛。路遙數百里。羸蹄凍不行。死轍冰難曳。夜來
何處宿。聞寂荒陂裏。又思邊塞兵。荷戈遇 騎。城上卓旌
旗。樓中望烽燧。弓勁添氣力。甲寒侵骨髓。今日何處行。牢
落窮沙際。自念亦何人。偷安亦如是。深爲蒼生蠹。仍尸諫
官位。謇譔無一言。豈得爲直士。褒貶無一詞。豈得爲良史。
不耕一畝田。不持一隻矢。多慚富人術。且乏安邊議。空作
對雪吟。勤勤謝知己。

送朱九齡

吏隱不求貴。親老不擇祿。之子有俊才。弱冠中正鵠。弗墜
先人業。何慚有道穀。一命佐碭山。枳棘聊容足。再命宰嘉
興。絲桐幾易俗。率身甘菜茹。養母求梁肉。承顏苟不虧。折
腰未爲辱。解印無餘貲。舟中只琴筑。十日寄淮泗。一身來
輦轂。又說東南行。秋風江水淥。鄱陽古名郡。赤金流山谷。
每歲鼓錢刀。從來設官局。還得便高堂。無辭縻逸蜀。颺帆
江湖息。木脫天地肅。楓葉紫爛熳。蓼花紅粲粲。津吏曉來
迎。溪僧夜留宿。至止事方簡。優游從所欲。江城豐稻梁。水
市多魚菽。三載奉甘飴。百錢飽家族。自有綠衣華。勿嘆藍

袍綠行年未三十。氣壯顏如玉。行義日以聞。焉能長碌碌。
終列侍臣班。耀我同年錄。且賦白華詩。唱作離筵曲。

暴富送孫何入史館

孟郊嘗貧苦。忽吟不貧句。為喜玉川子。書船歸洛浦。孟郊不貧喜盧仝書船歸洛詩乃知君子心。所樂在稽古。漢公得高科。不足惟墳素。二年佐棠陰。眼黑怕文簿。躍身入三館。爛目閱四庫。孟貧昔不貧。孫貧今暴富。暴富亦須防。文高被人妒。

送馮尊師

時馮再為拾遺

前日訪潘閣。下馬入窮巷。忽見雙筍石。卧向青苔上。云是馮尊師。秋來留在茲。今說東南行。問我堅乞詩。又見宋開老。亦言詩甚好。欲去天台山。即別長安道。臺閣有羣英。贈別瑰與瓊。琤然滿懷袖。此事殊為榮。安用徵吾句。吾道亦

齟齬。老為八品官。有山未能去。束髮號男兒。出處貴得宜。出則學皋夔。獨立稱帝師。處則同喬松。決起如冥鴻。誰能似蚯蚓。蟠屈泥土中。師行甚可羨。雲鶴無羈絆。為我持此詩。題于桐柏觀。

庶子泉

物趣同天造。物景不自勝。泉乎未遇人。石罅徒流迸。官相政多暇。行樂躡岩磴。發蒙漲為溪。幽致茲焉盛。唐賢大曆後。峭壁刻名姓。我來一何暮。今秋始乘興。山勢環有缺。山門壺引柄。乍挹清泚香。頗愜幽閑性。味將春茗宜。光與曉嵐暝。架竹落僧厨。遠聲入晴磬。何當宿禪室。欹枕終夜聽。飲多病骨換。照久塵襟迥。銷盡謫居愁。無心治歸艇。

陽水篆

冷冷鹿子泉。落落陽水筆。雲氣勢奔垂。龍蛇互蟠屈。嶧山
既崩滅。石鼓又缺失。唯茲數十字。邁勁倚雲窟。模印徧華
流。傳耀網帙。書誠一藝爾。小道詎可忽。乃知出人事。千
古名不沒。

東門送郎吏行寄承旨宋侍郎

西門送僕射。鞍馬照落光。南門送貳卿。冠蓋遙相望。東門
送郎吏。艤舟隋隄傍。郎吏誠隔品。同直白玉堂。丈人况知
已。振拔在舉揚。攜手惜我去。淡勸離別觴。醉中不記事。烟
水空茫茫。醒來聞鳴櫓。嘔軋獨一傷。猶疑在禁中。殘漏寒
丁當。迴望銀臺間。五雲遮帝鄉。衆散今如此。升沉庸何傷。
丈人名位峻。只欠登岩廊。平居倦朝請。高論息退藏。圃田
有別業。古木羅修篁。覃亭寒蕭蕭。池波碧泱泱。著云拂袖
去。可以傲羲皇。丈人果能爾。識度非尋常。安車比踈廣。辟
穀如張良。再拜願丈人。壽考乃康強。自念山野士。不解隨
圓方。宦途多齟齬。身計頗悲涼。行將解簪笏。歸去事農桑。
幸容操履杖。洒掃循丘墻。

北樓感事

有序

唐朱崖李太尉衛公爲滁州刺史。作懷嵩樓。取懷歸嵩
洛之義也。衛公自爲之記。其中述直翰林時同僚存沒
且有白雞黃犬之歎。頗露知退之心。及自滁徵拜再秉
鈞軸。卒以怙權賈禍。貶死海外。則向之立言誠空文爾。
皇宋至道元年夏五月。僕自翰林學士尚書禮部員外
郎知制誥。除工部郎中知滁州軍州事。到郡之日。訪衛
公舊迹。樓之與記皆莫知也。而郡有北樓。通刺史公署。

登眺終日甚亦自得作北樓感事詩以見意

北樓出林杪登覽開病姿旁帶滁州城雉堞何逶迤下入

刺史宅却臨統軍池孟統軍作小池在樓下伊予翰林客失職方在

茲兩衙部領外盡日吟望時晚窓度急雨夏木交繁枝淮

南氣候殊經秋轉黃鸝簷前有山果採掇亦甘滋樽中有

官醞傾酌任醇醪忘機得真趣懷古生遠思念昔李太尉

落落邦家基下筆到西漢料兵如六奇謫官來此郡鬱鬱

持一麾嘗在懷嵩樓記文悲盛衰甚得進退理深明禍福

機未幾再入用斯言忽如遺君恩匪膠柱天殃若影隨六

月萬里行炎荒竟不歸功成又名遂不退將安之姑以人

事較勿憑天命推矧予草澤士被禍復羹藜謬因弄文翰

八載侍丹墀三入承明廡古人期並馳玉堂百日罷所累

非文辭強仕未爲老望郎不爲卑淮邊永陽郡人物自熙

熙費用量所入豐約從其宜一妻本糟糠不識金翠施三

男無庶孽詎愛紈綺貴甘貧絕誅求易退無羈縻五十擬

歸耕何必懸車期且予望衛公雲龍與山麋唐賢昔際遇

文雅道光輝進士取將相易于俯拾棊自從五代來素風

已陵遲干戈爲政事茅土輪健兒儒冠筮仕者僅免寒與

飢至今明聖代此風猶未移自無經濟術焉能碌碌爲歸

歟復歸歟無忘北樓詩

官醞

爲郡得官醞月給盈三斛地僻少使車時清罕留獄老大

復遷謫吾懷頗幽獨嬋娟樓上月爛熳池邊菊東院與西

亭脩脩風弄竹對此不開樽騷人應慟哭獨酌入醇鄉陶

小畜集金 一
朕瞑雙目。醒來成浩歎。胡為事口腹。羹酒書垂戒。羣飲聖
所戮。漢文亦禁酒。患在糜人穀。自從孝武來。用度常不足。
推醮奪人利。取錢入官屋。古今事相倍。帝皇道難復。吾無
奈爾何。更盡杯中滌。

黑裘

野蠶自成繭。繰密為山紬。此物產何許。萊夷負海州。一端
重數斤。裁染為褻裘。守黑異華侈。崇儉非輕柔。燠香則無
取。風雪曾何憂。朝可奉冠帶。夜以為衾裘。一作晏嬰三十
年。庶幾跡相伴。季子歎貂弊。吾服已為優。不取狐貉者。亦
當師仲由。况我屢遷謫。行採賡歌詠。映髮垂鸞頂。植杖昂
鳩頭。袖寬可以舞。老農即為儔。不曳銀臺門。任爾爭封侯。
聞鴉有原

滁淮地也。郡堞之上。鴟鴞集焉。永夕鳴嘯不已。妻

子驚死。或終夜不寐。因作詩以喻。徵前賢放道而

聞是。摠而述云。以見吾志。

元精自萬彙。羽族何茫茫。為怪有鴟鴞。為瑞稱鳳皇。鳳皇
不時出。未識五色章。吾生在鄒魯。風土殊遠方。鳴鳩隨乳
燕。日夕集吾梁。翩翾雜鳥雀。比屋率為常。又從筮仕來。五
年居帝鄉。更直入承明。侍宴夜未央。上林聞鶯囀。巧舌如
笙簧。鴟鴞徒知名。聞見實未嘗。頃年謫商山。聽之已悲涼。
今茲出內庭。罰郡來永陽。誰知爾鸚鵡。營巢在城墻。年加
睡漸少。秋盡漏且長。鳴嘯殊不已。歷歷含微霜。孺人泣我
右。稚子啼我傍。吾心非達士。詎免亦悵悵。人生縱百歲。忽
若石火光。其間有窮通。幽昧難自量。我愛皋與夔。峩冠虞

舜堂簫韶聞九成。丹穴來銜鏘。尺愛閔與散。陳力遇文王。
鸞鷲聽岐山。多士周道昌。嗟嗟漢賈誼。年少謫南荒。故有
鵬鳥賦。倚伏理甚詳。郇公暨鄴侯。放逐同一邦。夜深聞此
身。韋公涕沾裳。李侯舉酒令。斯音非不祥。坐客如不聞。罰
之以巨觴。遂使惡聲鳥。聽之無所傷。天寶中韋郇公謫守
新州時李鄴侯亦以
處士放逐因夜飲開鵬鳥韋公泣下李公曰此鳥人以爲
惡其聲可聽乃令坐客有不聞其聲者罰以大杯由是聽
之不贊皇貶袁州懷鵬義亦減李太尉有乃知昔賢哲未
免亦悽遠况予不肖者邀寵在朝行報國惟直道謀身昧
周防四年兩度黜鬚髮已蒼蒼雖得五品官銷盡百鍊鋼
何茂解印綬歸田謝膏粱教兒勤稼穡與妻甘糟糠鳳來
非我慶鴉集非我殃優游盡天年身世俱可忘

什菊冷淘

經年厭梁肉。頗覺道氣渾。孟春致齋戒。勅厨惟素飧。淮南
地甚暖。甘菊生籬根。長芽觸土膏。小葉弄晴暎。采采忽盈
把。洗去朝露痕。俸麪新且細。渡牢如玉墩。隨刀落銀鏤。煮
投寒泉盆。雜此青青色。芳香敵蘭蓀。一舉無子遺。空媿越
盃存。解衣露其腹。稚子爲我捫。飽慚廣文齋。飢謝魯山元。
廣文先生飯不足况我草澤士藜藿供朝昏謬因事筆硯
元魯山飢而死名通金馬門。官供政事食。久直紫薇垣。知制誥給政事
食自許公始誰
言謫滁上。吾族飽且溫。旣無甘旨慶。焉用味品煩。子美重
槐葉。直欲獻至尊。事見杜工部詩起予有遺韻甫也可與言
槐葉冷淘詩

訓楊遂

楊君江左士。文律何飄飄。人言未冠時。作賦陵洞簫。甲科
中南國。江南狀元及第通籍趨東朝。入中朝爲贊善軼軻位不進。陶潛還

折腰復為宰邑向蜀道。荏苒忽興妖。官小力不支。群竄避
搶刀。朝廷責守土。黜入縣佐僚。昨朝寫孤憤。遺我有客謠。
伊予亦左遷。諷之心無慘。人生一世間。否泰安可逃。但問
道何如。未必論卑高。自古富貴者。撥亂如蓬蒿。德業苟無
取。未死名已消。豈期顏子淵。不在一瓢。推此任窮達。其
樂方陶陶。達則為鵬鷲。窮則為鴟鴞。垂天與巢林。識分皆
逍遙。

和楊遂賀雨

我罷內廷職。出臨永陽民。永陽民雖庶。未免多飢貧。富之
既無術。齷齪為謹身。可堪今夏旱。如燎復如焚。厥田本塗
泥。坐見生塵氛。稚老無所訴。嗷嗷望穹昊。食祿憂人憂。早
夜眉不伸。從決獄中囚。徧禱境內神。楚辭有山鬼。廟貌羅

水濱。法有浮圖寺。宇連城闈。齋莊命寮案。供給抽俸緡。
鼓笛迎湫水。香花照金輪。誠知非典故。且慰旱爨人。偶與
天雨會。霧霏四郊勻。插秧復修堰。野叟何欣欣。可辨官府
調。亦免農艱辛。變調賴時相。感應由聖君。于吾復何有。敢
望歌頌云。清流楊水部。德與我為鄰。仇香官位屈。何遜詩
格新。見投賀雨詩。言自人口聞。夫君蓋私我。過實豈相親。
為霖非我事。職業惟詞臣。若有民謠起。當歌帝澤春。庶使
採詩官。入奏助南薰。

揚州寒食贈屯田張員外成均吳博士同年殿省柳

丞

前年寒食節。待詔直內庭。休假百官出。獨掩深嚴扃。近侍
不敢醉。賜酒空滿甕。閉就通中枕。時聞索上鈴。思入無何

鄉兀然欲忘形。去年寒食日。滁上黍專城。山歌喧里巷。春
物媚池亭。永陽溪水綠。琅琊山色青。謫宦自消遣。不敢誇
獨醒。往往取官醞。時時對花傾。醉來念身世。翻使淚縱橫。
今年蒞淮海。時節又清明。對案有留事。聽歌無歡聲。胥徒
費簿領。使客煩送迎。狴牢未空歇。堰埭勞修營。衰病力不
支。懶慢性已成。虛花滿雙目。素髮添數莖。酒肴畧無味。妓
樂固難聽。誰言寒食下。終日取茶烹。屯田布素交。屈此關
市征。昔年同應舉。典衣飛巨觥。博士東觀客。求官得步兵。
况且丹陛前。同爲出谷鶯。殿丞尹我邑。桑梓復弟兄。吏隱
掌巖茗。終朝談道經。三賢宴會小。七夕休假并。何不策我
馬。廢苑尋流螢。何不蕩我舟。樓臺訪摘星。三春景欲盡。九
曲波始平。居然逼吏後。頓此阻交情。老態厭春華。病身憂
宿醒。如水若不改。藉糟亦胡寧。解印蓄素志。吟詩露丹誠。
維揚非所愛。有便卽爲耕。

揚州池亭卽事

真心悶羣動。亦各趨所安。胡爲名利人。戚戚常鮮歡。吾生
四十四。結珮呼郡官。掌言入綸閣。待詔直金鑾。匪謂得祿
少。所嗟行道難。前年謫滁州。憂時雙鬢殘。賴有琅琊溪。時
濯塵纓冠。朝僉徒淮海。任重力易殫。君恩詎可報。感激涕
洟瀾。民瘼不能治。惻隱情悲酸。况復多病身。名宦心已闌。
歸田未果決。懷祿尚盤桓。公退何所適。池亭一凭闌。旭日
媚春弄。微風生鳴湍。呵僮勿挾彈。留客不持竿。用冀魚鳥
馴。熙熙肆游觀。神仙未可學。吏隱聊自寬。孤吟刻幽石。此
義非考槃。

一品孫鄭昱

鄭綱元和中拜相至鄭昱六世矣

卜葬得假官南出安上門鞭馬六十里暮投中書村村翁
館我宿葑屋欲黃昏有客忽投刺自稱一品孫氣貌不凡
俗因為開酒罇坐久問家謀其族大且繁池州有清管濫
觴發洪源大傅擅鴻筆入相又出藩其家本開封改號一
何尊至昱始六代布衣老丘樊跨驢入府縣驅犢耕郊原
家廟固已毀國史空其存盛德百世著功必格乾坤高大
已不祀羨網何可論况復起章句乘時寵便蕃子孫雖替
後尚得守田園我愛三代時法度有深根卿大夫稱家世
世奉蘋蘩四民有定分宦路無馳奔自從雜霸道傾奪日
喧喧脫未乘金鉞吮筆乘朱軒朝榮暮又辱容易如掌翻
古道不可仗顏波益以渾何况度木者倒置輪與轅我亦

起白屋兩朝直紫垣蔭子有冠裳賞延弟與昆盡待食人
祿將何報君恩農桑國之本孝義古所敦五族不力穡終
歲飽且溫雖非享富貴亦以蠹黎元唐賢尚消歇我輩奚
足言呼兒諷此詩播在篋與負

月波樓詠懷

有序

月波之名不知得于誰氏圖綴故老皆無聞焉因作古
詩一章凡六百八十字陷于樓壁庶使茲樓之名得與
詩俱不泯也

郡城無大小雉堞皆有樓其間有名者不過十數州吹簫
事遼迥仙迹難尋求庾公在九江締構何風流謝守鎮宣
城疊嶂名有出東陽敞八咏吾聞沈隱侯白雪架郢中調
高誰和酬黃鶴倚鄂渚仙去事悠悠贊皇謫滁上作賦懷

嵩丘樓居出俗態。澤國多勝遊。好景不遇人。安得名存留。
 齊安古郡廢。移此清江頭。築城隨山勢。屈曲伏環周。茲樓
 最軒豁。曠望西北陬。武昌地如掌。天末入雙眸。平遠無林
 木。一望同離婁。山形如八字。會合勢相勾。東晉方士戴洋言武昌有山無
林。山形八字。勢不及九。故孫權以三國事既遠。六朝名亦
黃武元年都武昌。八年遷建業。休。近從唐末來。爭奪互仇仇。斯樓備矢石。此地控咽喉。終
 朝望烽燧。連歲事戈矛。可憐好詩景。牢落無人收。皇家統
 萬國。遠邇盡懷柔。三聖四十年。蕩蕩文德修。淮甸為內地。
 黃岡為上游。儒冠假郡印。踐更若公郵。况多辦職吏。誰官
 恣吟謳。伊余何為者。竊慕騷人儔。兩朝掌文翰。十年侍冕
 旒。去歲出西掖。謫居抱窮愁。日日江樓上。風物得冥搜。何
 人名月波。此義頗為優。西南新桂魄。初上懸玉鈎。晚瀨清

且淺。漂蕩影沉浮。三五金波滿。夜光如暗投。驪龍弄頷珠。
 晃朗照汀洲。澹臺披寶劍。碎壁斬長虬。水輪曉入地。推下
 赤金毬。闌干四五星。斜漢印清秋。誰家上元燈。兒盛剝菰
 蘇。此景吟不出。謾使聲呦呦。千里畫圖濶。四時詩興幽。野
 花媚宮纈。芳草鋪碧紉。火雲照沙浦。暴雨傾瓦溝。白亂蘆
 花散。紅殷藜穗稠。簷水垂若練。雪片大于鷗。江籬煙漠漠。
 官柳雨飈飈。舟子斜盪槳。牧童倒騎牛。水獺有時戲。江豚
 頗能洄。山鳥奏竽籟。落霞展衾裯。魚網雪離離。酒旗風颭
 颭。旅懷雖自適。詩物奈相尤。右顧徐邈洞。精靈如在不。左
 瞰伍員廟。荒隙令人羞。樓中何所有。官醞湛蚍蜉。棋枰留
 客坐。琴調待僧抽。橘苞鄰藥鼎。墨筆間茶甌。平生性幽獨。
 寂寞誰獻酬。官常已三黜。懷抱罹百憂。凭闌憶王粲。望闕

同子牟自甘戍潦倒無復事聲猷。身世喻泡幻衣冠如贅瘤。放意無何鄉誰分親與仇。寓形朝籍中毀譽任啁啾。君恩無路報民瘼無術瘳。唯慙戀祿俸未去耕田疇。題詩郡樓上。含毫息義猷。功名非范蠡何必泛扁舟。

十月二十日作 是日甚寒始有冰

重衾又重茵。蓋覆衰爛身。中夜忽涕泗無復及吾親。須臾殘漏歇。吏報國忌辰。陵旦騎馬出。溪水薄潏潏。路傍飢凍者。顏色頗悲辛。飽暖我不覺。羞見黃州民。昔賢終祿養。往往歸隱淪。誰教為妻子。頭白走風塵。修身與行道。多媿古時人。

成武縣作

釋褐來成武。初官且自強。位卑松石澗。俸薄蕙經霜。雨苗生書案。飢禽啄印牀。猶驚寫秋卷。枕砌落花黃。

寄陽山主簿朱九齡

忽思蓬島會羣仙。二百同年最少年。利市襦衫拋白紵。風流名紙寫紅牋。歌樓夜宴停銀燭。柳巷春泥污錦韉。今日折腰塵土裏。共君追想好凄然。

寄魚臺主簿傅翺

聽說魚臺景最奇。鮑參軍到語多時。時林法樛來自魚臺因言烟水之興故有此天晴綠野懸魚網。木脫空城露酒旗。錦攬鮮鱗紅撥刺。雪翻寒鷺白離襪。仍誇縣尹風騷客。應有秋來唱和詩。

寄寧陵陳長官

吏隱寧陵縣。琴堂枕古河。家山隔江遠。風雨過船多。假日親尋藥。公庭自種莎。相逢如舊識。執手動勞歌。

寄金鄉張贊善

年少辭榮自古稀。朝衣不着着斑衣。北堂侍膳侵星起。南
畝催耕冒雨歸。種竹野塘春笋脆。採蘭幽澗露牙肥。伊予
自是徒勞者。未得同尋舊釣磯。

遊虎丘山寺

寺墻圍着碧孱顏。曾是當年海湧山。盡把好峰藏院裏。不
教幽景落人間。劔池草色經冬在。石座苔花自古斑。珍重
晉朝吾祖宅。一迴來此便忘還。

寄獻潤州趙舍人

南徐城古樹蒼蒼。衙府樓臺盡枕江。甘露鐘聲清醉榻。海
門山色滴吟窓。直廬久負題紅藥。出鎮何妨擁碧幢。聞說
秋來自高尚。道裝筇竹鶴成雙。

記言彩筆罷摛華。郡閣高閑似道家。琴院坐聽江寺磬。郡
樓吟見海山霞。春園遺母親燒笋。夜榻留僧自煮茶。應笑
陶潛未歸去。折腰奔走在泥沙。

寄毗陵劉博士

毗陵古郡接江垓。赴任琴書共一船。下岸且尋甘露寺。到
城先問惠山泉。秋蟾吐檻供吟興。野鶴攬床伴醉眠。官散
道孤詩筆老。不應雙鬢更皤然。

除夜寄羅評事同年二首

歲暮洞庭山。知君息浩然。年侵曉色盡。人枕夜濤眠。移棹
風搖浪。開窓雪滿天。無因一乘輿。同醉太湖船。
郡僚方賀正。獨宿太湖稜。階下羞爲吏。船中祇載僧。折梅
和薄雪。煮茗對孤燈。應笑排衙早。寒靴踏曉冰。

春日官舍偶題

薄宦苦流離。壯年心已衰。鶯花愁不覺。風雨病先知。曉月
晃竹屋。寒苔疊棹籬。無人慰幽寂。庭柳自低垂。

寄獻翰林宋舍人

金鼎鹽梅偶未和。位高猶說野情多。官墻月上開琴匣。道
院風清响藥籬。留客旋燒含露筍。倩僧教種耐霜莎。孤寒
知有爲霖望。未忍江頭釣綠波。

吳江縣寺留題

松江江寺對峰巒。檻外生池接野灘。幽鷺靜翹春草碧。病
僧閑說夜濤寒。晨齋施筍惟溪叟。國忌行香祇縣官。盡日
門前照流水。塵纓渾擬濯沈瀾。

中元夜宿余杭山仙泉寺留題

祭廟迴來略問禪。蘚牆莎徑碧山泉。風疏遠磬秋開講。水
響寒車夜救田。藍綬有香花苗苗。竹窗無寐月嬋娟。自慚
政術貽枯旱。忍卧松陰漱石泉。

言懷

宦途日日與心違。人事紛紛任是非。却爲遊山置行李。漁
家船舫道家衣。

泛吳松江

葦蓬疎薄漏斜陽。半日孤吟未過江。唯有鷺鷥知我意。時
時翹足對船窓。

蘇州寒食日送人歸觀

江城寒食下。花木慘離魂。幾宿投山寺。孤帆過海門。篷聲
發火雨。柳色禁烟村。定省高堂後。斑衣減淚痕。

泉字兩押恐有誤

春晚遊太和宮
數里新萍夾岸莎。春來乘興宿煙蘿。隨風蝴蝶顛狂甚。當路花枝採折多。絳節參差抽苦笋。翠鈿狼藉撒圓荷。湖山滿眼不歸去。空羨漁翁雨一蓑。

再泛吳江

二年爲吏住江濱。重到江頭照病身。潯眼碧波輪野鳥。一蓑疎雨屬漁人。隨船曉月孤輪白。入座晴山數點青。張翰精靈還笑我。綠袍依舊惹埃塵。

贈湖州張從事

前年春榜亞龍頭。詞賦曾推第一流。上直未歸紅藥院。供吟先得白蘋洲。酒醒野寺烹山蕨。公退溪亭狎海鷗。自是吳門折腰吏。滿衣塵土爲君羞。

送李中舍罷蕭山赴闕

吏隱江東五六年。歸時猶戀好山川。野僧送別攜詩句。瘦馬臨岐當酒錢。吳苑醉逢梅弄雪。隋隄吟見柳垂烟。自言更共秋濤約。未捨西興一釣船。

和郡寮題李中舍公署

樹影池光映曉霞。綠楊陰下吏排衙。閑拖屐齒妨橫筍。靜拂琴床有落花。地脉暗分吳苑水。厨烟時煮洞庭茶。青宮詞客多閑暇。按曲飛觴待歲華。

題張處士溪居

雲裏寒溪竹裏橋。野人居處絕塵囂。病來芳草生漁艇。睡起殘花落酒瓢。閑把道書尋晚迳。靜攜茶鼎洗春潮。長洲懶吏頻過此。爲愛盤飧有藥苗。

送查校書從事彭門

佐幕徐方鬪未秋。官升芝閣更風流。姓名舊在鸞遷榜。詩什重題燕子樓。漸有俸錢供藥債。應無歸夢到漁舟。公餘時上臺頭寺。珠履金貂共勝遊。

送羅著作奉使湖湘

使星躔次入長沙。曉別延英去路賒。數刻漏中承密旨。幾重湖外奉皇華。山行馬拂湘川石。寺宿僧供嶽麓茶。迴日期君直西掖。當階紅藥正開花。

送馮學士入蜀

錦川宜共少年期。四十風情去未遲。蠶市夜歌欹枕處。峨眉春雪倚樓時。休誇上直吟紅藥。多羨乘軺聽子規。莫學當初杜工部。因循不賦海棠詩。

賀將作孔監致仕

泣辭明主桂冠簪。便約幽雲老舊林。朝請罷來頻典笏。田園歸去只攜琴。焚香靜院當山色。晒藥空庭避竹陰。一子得官三品祿。未饒疎傳有黃金。

和陳州田舍人留別

演綸多暇每封章。暫去頒條道更光。郡吏好排紅粉妓。使君曾是紫薇郎。樓臺有月新詩出。園囿無人綠草長。地接清淮足佳致。水村煙塢是魚鄉。

閣下暮春

詔書稀少日何長。閉枕通中睡一場。院吏報來丞相出。紫薇花影上東廊。

初入山聞提壺鳥

時秋曠此鳥忽聞

遷客由來長合醉。不煩幽鳥道提壺。商州未是無人境。一路山村有酒沽。

○初到商州。館于妙高禪院。佛屋壁上見真聖數行。讀之。乃數年前應制時所作。皇帝試貢士詩。息追前事。有感而成章。

應制詩篇對玉除。是誰傳寫到商予。昔從藁萊階前作。今向蓮花座畔書。商顏未甘隨綺季。漢庭曾忝用相如。山僧莫怪頻垂淚。乍別承明舊直廬。

謫居感事 一百六十韻

遷謫獨熙熙。襟懷自坦夷。孤寒明主信。清直上天知。消息還依道。生涯只在詩。唯當論山水。詎敢詠江離。偶嘆勞生事。因思志學時。讀書方觀奧。下筆便搜奇。賦格輕鸚鵡。儒

冠薄鸚鵡。耕桑都不事。園井未曾窺。必欲兼湘富。寧教行軸紕。光陰常矻矻。交友盡悠悠。步驟依班馬。根源決孔姬。收螢秋不倦。刻鵠夜忘疲。流輩多相許。時賢亦見推。叨蒙借計吏。濫吹謁春司。僕搜途中病。驢寒雪裏騎。空拳入場屋。拭目看京師。技癢初調箭。鋒銛欲試錐。甲科登漢制。大興國五年予首中甲科內殿識堯眉。數刻愁晡矣。三題亦勉之。先鳴輸俊彥。上第遂參差。罷舉身何托。還家命自奇。惟慚親倚戶。敢望嫂停炊。竭力求甘旨。終朝走路岐。貪希仲由米。多廢董生帷。丹桂何時折。孤蓬逐吹移。知憐無國士。志氣自男兒。季子貂裘弊。狂生刺字隳。廣場重考覆。蹇步載馳驅。明代寧甘退。青雲暗有期。禮闈冠多士。御試拜丹墀。澤霧寧慚豹。搏風肯伏雌。重瞳念孤迹。一第泰鴻私。得告還鄉

貴除官佐邑甲折腰稱小吏予解褐矩步慎初資得主簿枳棘心

何恨松筠操自持及親家有養事長禮無虧銅墨官常改

煙霄雨露垂事知蘇州長洲縣縣花聊主管寺棘且羈縻予九年授大理評

吳郡包山側長洲巨海湄萬家呼父母民問多呼為父母百里

撫憚發敢起徒勞嘆長憂竊祿嗤宦途甘碌碌官業亦孜孜

政事還多暇優游甚不羈村尋魯望宅寺認館娃基浦

有陸魯望宅靈巖寺館娃故宮西子留香遜吳王有劔池採香徑在靈巖寺劔池在虎丘

狂歌殊不厭酒典最相宜草織登山履蒲紉挽舫綏

果酸嘗橄欖花好插薔薇震澤柑包火松江繪縷絲三年

無異政一篋有新詞多戀南園臥蘇州南園最為勝景俄從北關追

雍熙四年予奉徵召赴闕呈材真樸橄召對立茅茨載筆居三館登朝

泰拾遺紫泥天上降朱紱御前披侍從殊為貴圖書頗自

怡史才媿班固諫筆謝辛毗擬把微軀殺慚將厚祿尸安

邊上章疏端拱三年詔百官各言邊事端拱獻箴規予初

遺即上端拱精鑒逢英主知憐是首蓂予論邊事特為賡

歌才不稱掌誥筆難擲是歲蒙上召予殿上制曆多無事

閣下有制曆當直舍人詞頭每怯遲繁陰温室樹清吹萬

年枝青瑣霞光透蒼苔露片萎御香飄硯席宮葉落纓綬

看浴池心鳳閑捫殿角螭上林花掩映仙掌露淋漓對近

瞻旒冕班清辟虎豹宮簾垂翡翠御水動漣漪紀號年淳

化朝元月建寅叶攝官捧寶冊淳化元年立正伏別上尊

祝壽執樽羹表案行低折時予又押宮懸聽肅祇德音

王澤潤是月德謙柄斗杓移時上省貴接皋夔步深窺龍

鳳姿策勳何煊赫賜紫更萎蕤是歲加柱國謝蛟方山難

負鵝梁翼易滋論功慚八柱受服欲三禡音遲祇慮殃將至

曾無事可禱趁朝空俯偃退食自逶迤更直當春好橫行

隔宿谷每休假三日後謂之橫行內朝長得對駕幸每教

隨瓊院觀雲稼金明閣水嬉賞花臨鳳沼侍釣立魚坻拂

面黃金柳醜顏白玉卮分題宣險韻每應制賦詩翻勢得

仙碁上嘗賜兩制碁勢圖一曰對面二曰獨飛天竟

舉窺天管爭燃煮豆其恨無才應副空有表虔祈每有御

字兩朝每賜御詩皆院吏捧巾綦遭遇誠堪惜功名竊自

思請纓無壯志硯草亦胡為未獻東封頌空鑄北獄碑元

須斬谷蠡胷中貯兵甲堂上有熊羆成敗觀千古施張元

四維兼磨斷佞劔擬樹直言旗平生之志也遇事難

平居疾嗷嗷無權逐鳥雀俛首任狐狸廷尉專刑煞以

人兼大詞臣益等衰五花儀久廢三尺法聊施書命猶無

諂予在閣下草詞多不虛評刑官有欺厚誣凌近侍內亂

疾妖尼告徐騎省丹筆當無赦金科了不疑拜章期悟

主仆法更防維萋非終無已雷霆遂赫斯如弦傷訐直投

杼覓瑕疵衆鑠金須化羣排柱不支佞權迴北斗讒舌簸

南箕闕下羊腸險朝端虎尾危道孤貽衆怒責薄賴宸慈

西掖除三字南山佐一麾蒼黃塵滿面揮酒涕交頤目斷

九重闕魂銷八達衢尊親遠扶持兄弟盡流離秦嶺偏囓

絕商于更噉蠟吾廬何處是我馬忽長辭六里山蒼翠丹

河浪渺瀰分封息衛鞅割地憶張儀懶讀三閭傳空尋四

皓祠。香煙濃似瘴。松雪白如梨。壞舍床鋪月。寒窓硯結澌。
振書衫作拂。解帶竹爲梳。呼童泥茶竈。從僧借藥篩。鐘愁
上寺起。角怨水門吹。上寺在州北。舊有水門。舊友誰青眼。新秋出白
髭。子到商州。始有白髭。煙嵐晴鬱鬱。風雨夜颼颼。我過徒三省。吾生
自百罹。初來聞旅雁。不覺見黃鸝。市井攜山菜。房廊蓋木
皮。商州民多以野花紅爛熳。山草碧樵樾。副使官資冷。商
州酒味醜。尾因求食掉。角爲觸藩羸。有夢思紅藥。無心採
紫芝。瘦妻容慘戚。稚子淚漣漣。暖怯地穿壁。昏憂虎入籬。
松根燃夜燭。山蕨助朝飢。豈獨堂虧養。還憂地乏醫。跡飄
萍渤海。親老日崦嵫。閣下辭巢鳳。山中伴野麋。風吹秀林
木。雲隔向陽葵。屈產遭驚馬。丹山困嚇鷄。悔須分黑白。本
合混妍媸。自此韜餘刃。終當學鈍錐。窮通皆有數。得喪又

奚悲。自顧才何者。空憐道在茲。宣尼猶削伐。大禹亦胼胝。
運去當如鼠。投來且禦魑。避風聊戢翼。得水會揚鬣。琴酒
圖三樂。詩章效四蟲。白公有四蟲詩。魚須從典賣。貂尾任傾欹。兀
兀拖腸鼠。悠悠曳尾龜。北窓尋蛺蝶。南岸看鷓鴣。山翠樓
頻上。雲生杖獨搖。簞開留曉魄。簷暖負冬曦。松栢寒仍翠。
瓊瑤涅不滯。望誰分曲直。祇自仰神祇。吾道寧窮矣。斯文
未已而。狂吟何所益。孤憤洩黃陂。

龍鳳茶

樣標龍鳳號。題新賜得還。因作近臣烹。處豈期商嶺水。碾
時空想建溪春。香于九畹芳蘭氣。圓似三秋皓月輪。愛惜
不嘗惟恐盡。除將供養白頭親。

上寺留題

在商州北山作

松杉疎瘦簇山根。樓殿參差對郭門。不惜馬蹄來北寺。爲憐熊耳在西山。一作雲生石砌搖寒影。泉汲銅甌露凍痕。遷客頻來何所得。一叢修竹拂吟魂。

歲暮感懷貽馮同年中允二首

謫居商于郡。閑門車馬稀。塵侵書命筆。香散入朝衣。燒盡峰巒出。霜晴木葉飛。夜來天欲雪。寒夢不成歸。謫居京信斷。歲暮更淒涼。郡僻青山合。官閑白日長。燒烟侵寺舍。林雪照街坊。爲有遷鶯侶。詩情不敢忘。

畬田調

并序

上洛郡南六百里。屬邑有豐陽。上津皆深山窮谷。不通轍迹。其民力耕火種。大底先斫山田。雖懸崖絕嶺。樹木盡仆。俟其乾且燥。乃行火焉。火尚熾。卽以種播之。然後

釀黍稷。烹雞豚。先約曰。某家某日有事于畬田。雖數百里如期而集。鉏斧隨焉。至則行酒啗炙。鼓譟而作。蓋斲而掩其土也。斲畢則生。不復耘矣。援桴者有勉勵督課之語。若歌曲然。且其俗更互力田。人人自勉。僕愛其有義。作畬田五首。以侑其氣。亦欲採詩官聞之。傳于執政者。苟擇良二千石暨賢百里。使化天下之民如斯民之義。庶乎汗萊盡闢矣。其詞則取乎俚。蓋欲山民之易曉也。

大家齊力斲孱顏。耳聽田歌手莫閑。各願種成千百索。山田不知畝畝。但以百尺繩量之曰某家今年種得若干。索以爲田數。豆萁禾穗滿青山。殺盡雞豚喚斲翁。由來遞互作生涯。莫言火種無多利。林樹明年似亂麻。種穀之明年自然生木。山民獲濟。

穀聲獵獵酒醺醺。斫上高山入亂雲。自種自收還自足。不知堯舜是吾君。

北山種了種南山。相助力耕豈有偏。願得人間皆似我也。應四海少荒田。

畚田鼓笛樂熙熙。空有歌聲未有詞。從此商于為故事。滿山皆唱舍人詩。

賀畢翰林新入

閒步花磚喜復悲。所悲君較十年遲。銀臺曉入批丹詔。銅鏡秋開鑷白髭。宮錦細袍宜與着。內閑驕馬賜來騎。家門記得咸通事。莫忘論兵夜召時。
咸通中畢相在翰林時。鑿數陳方畧。甚稱旨。上曰吾方謀帥。不意頗救在吾禁苑。遂有登壇之命。

商山海棠

錦里名雖盛。商山艷更煩。別疑天與態。不類土生根。淺著紅蘭染。深于絳雪噴。待開先釀酒。怕落預呼魂。香裏無勦敵。花中是至尊。桂須辭月窟。桃合避仙源。浮動冠頻側。霓裳袖忽翻。望夫臨水石。窺客出墻垣。贈別難饒柳。忘憂宜讓萱。輕輕飛燕舞。脉脉息媿言。蕙陋虛侵選。梨凡浪占園。論心留蝶宿。低面厭鶯喧。不奈神仙品。何辜造化恩。自期栽御苑。誰使擲山村。綺季荒祠畔。仙娥古洞門。煙愁息舊夢。雨泣怨新婚。畫恐明妃恨。移同卓氏奔。祗教三月見。不得四時存。綉被堆籠勢。燕脂浥淚痕。貳車春未去。應得伴芳罇。

翰林畢學士寄示醫癩疾藥方。因題四韻兼簡兩制

諸知

預憂囊瘿病龍鍾。乞得仙方必有功。縱免項如樗里子也。
應頭似夏黃公。西暉亭下峰巒碧。亭在州之西十里對羣峰。每日落時有如亭午。
南靜川中木葉紅。川在州之南二里。平如掌。居人百餘。而生春間此景不惡矣。盡是貳車堪醉處。春來唯恐酒樽空。

賀柴舍人新入西掖

早折蟾宮第一枝。綸闈恩命若何遲。久為俗吏殊無味。合掌王言亦有時。好繼忠州文最盛。應嫌長慶格猶卑。舍人嘗與余評前賢。詔詰以為辭。相首出。若奉天罪已。詔元白之徒。可坐在廳下。他年莫忘中吳宰。六里山前訝紫芝。

歲除日同年馮中允攜觴見訪因而沉醉病酒三日醒而偶贈

際夜渾疑便白頭。攜壺相勸醉方休。敢辭枕上三朝卧。且

免燈前一夕愁。薄命我甘離。屬關多才君亦滯龍樓。相逢不盡杯中物。何以支當寂寞州。

放言

誰信人間是與非。進須行道退忘機。卦逢大壯羝羊困。鄉入無何蛺蝶飛。澤畔衣裳蘭作佩。山中生計竹為扉。飢腸已共夷齊約。一曲高歌去採薇。

回襄陽周奉禮同年題紙尾

武關西畔路巉岩。兩月勞君寄雨緘。鏡裏想添新白髮。篋中猶貯舊青衫。扶頭酒好無辭醉。縮項魚多且放噉。譬似元和張太祝。十年不改舊官銜。

清明日獨酌

一郡官閑惟副使。一年冷節。清明春來春去何時盡。閑

恨閑愁觸處生。添燕黃鸝誇舌健。柳花榆莢鬪身輕。脫衣
換得商山酒。笑把離騷獨自傾。

寒食

今年寒食在商山。山裏風光亦可憐。稚子就花拈蛺蝶。人
家依樹繫鞦韆。郊原曉綠初經雨。巷陌春陰乍禁烟。副使
官閑莫惆悵。酒錢猶有換碑錢。

山僧雨中送牡丹

數枝香帶雨霏霏。雨裏攜來叩竹扉。擬戴却休成悵望。御
園曾插滿頭歸。

春居雜興

兩株桃杏映籬斜。粧點商山副使家。何事春風容不得。和
鶯吹折數枝花。

春雲如獸復如禽。日照風吹淺又深。誰道無心便容與。亦
同翻覆小人心。

登郡南樓望山感而作

西接藍田東武關。有唐名相數商顏。二千石盡非吾道。一
百年來負此山。自唐末至
年無文臣
今百餘
為刺史重疊曉嵐新雨後。參差
春雪夕陽間。唯供遷客風
興。醉望吟看不暫閒。

道服

楮符布褐皂紗巾。曾奉西宮寓直人。此際暫披因假日。如
今長著見閑身。濯纓未識一湘水。漉酒空經六里春。不為
行香著朝服。二車誰信舊朝臣。

春遊南靜川

南過高車嶺。一云膏車川
嶺音音告川似掌平。峰巒開畫障。畎畝列

綦杯帝女柔桑綠。王孫野草生。提壺催我醉。戴勝勸人耕。
商嶺堪攜妓。丹河好濯纓。蓋圓松影密。鞭亂竹根聲。勃勃
畬田氣。磷磷水磴聲。野桃誰似主。山鳥不知名。欲舞寧無
蝶。思謔亦有鶯。官閑春日永。擔酒此中行。

南郊大禮詩七首

聖君重卜祀南郊。仗擁黃麾開白旄。仙吹冷翻蒼玉佩。燒
霞晴透絳紗袍。天開兜率齋宮靜。海湧蓬萊帳殿高。遷客
生還知有望。商山不敢讀離騷。
嚴配郊丘展孝思。質明泰酌禮無違。大羹味薄牲牲潔。至
樂聲和鳳鳥飛。黃道月斜風細細。紫壇天曉露霏霏。可憐
此夜商山客。畫盡爐灰淚滿衣。

綠城殘月帶微霜。版奏中嚴夜未央。三獻欲終侵曙色。百
神齊下散天香。珠旒微亂瑱簷韻。柴燎輕籠劍佩光。此夕
商山對何物。猿啼鳥哭樹蒼蒼。

嚴禋禮退一陽生。林賀歡呼動四溟。聖壽久長南至日。寶
圖高大北辰星。九重城闕天將曙。百萬人家家戶不扃。知有
化工無棄物。海波分細一浮萍。

乾元門上赭袍光。雉扇初開散御香。郊祀一千年運祚。赦
書三萬里封疆。人間草木沾皇澤。天上咸韶送壽觴。惆悵
昔年曾侍從。而今翻似鼠拖腸。

千官雲擁御樓時。朝服紛紛換禮衣。萬里梯航歸大國。一
聲雷雨破圓扉。青蠅傳去人人喜。丹鳳卸來處處飛。收盡
洛南遷客淚。全家潛望日邊歸。

年來不見祀圓丘。謫宦攜親嘆白頭。作賦有時悲鵬鳥。殺

身無路學犧牛。非才豈合居臺閣。歸夢徒勞近冕旒。千載
遭逢如木替。此時重見帝王州。

恭聞种山人表謝急徵不赴

表讓皇家買酒錢。上令京兆府賜山酒錢讓而不受醉鄉歸去更陶然。吾
君若問徵君意。自有東臯種黍田。
不應明時鵠板書。可能終老傲唐虞。神仙見說須陰德。宜
為蒼生一出無。

五更睡

數載直承明。寵深還若驚。趨朝鷄喚起。殘夢馬駢行。左宦
離雙闕。高眠盡五更。如將閑比貴。此味敵公卿。

遣興

百年身世片時間。況是多愁鬢早斑。貧有琴書聊自樂。貴

無功業未如閑。波平南浦堪垂釣。日滿東窗尚掩關。祇為
慈親憶歸去。商山不隱隱何山。

新秋卽事二首

宦途流落似長沙。賴有詩情遣歲華。吟弄淺波臨釣渚。醉
披殘照入僧家。石挨苦竹旁抽笋。雨打戎葵卧放花。安得
君恩許。歸去東陵閑種一園瓜。

百歲浮生一夢中。夢中何事有窮通。姓名舊署黃麻紙。顏
狀今成白髮翁。煙暝小窓螢火碧。雨昏幽徑蓼花紅。謫居
始信爲儒苦。生計兼無一畝宮。

秋居幽興三首

秋光雖寂淡。幽興入詩家。籬暗蟹啼菊。園荒蟻上茄。圍碁
知日影。理髮見霜華。向曉兒童喜。溪僧遺晚瓜。

園林經積雨。晚步思幽哉。宿鳥頭相並。秋瓜頂自開。藥田
荒野蔓。屐齒沒蒼苔。幽興將何遣。隻琴貴酒來。
謫居人事慵。幽興與誰同。僧到烹秋菌。兒啼索草蟲。掃苔
留嫩綠。寫葉惜殘紅。歲晏琴樽好。籬邊有竹叢。

前賦村居雜興詩二首。間半歲不復省視。因長男嘉
祐讀杜工部集見語。意頗有相類者。咨于予。且意
予竊之也。予喜而作詩。聊以自賀。

命屈由來道日新。詩家權柄敵陶鈞。任無功業調金鼎。且
有篇章到古人。本與樂天爲後進。予自謫居時多取
自公詩時時玩之敢期
子美是前身。從今莫厭閑官職。主管風騷勝要津。

村行

馬穿山徑竹初黃。信馬悠悠野興長。萬壑有聲含晚籟。數
峰無語立斜陽。棠梨葉落胭脂色。蕎麥花開白雪香。何事
吟餘忽惆悵。村橋原樹似吾鄉。

淳化二年八月晦日夜夢于上前賦詩。既寤唯省一
句云。九日山川見菊花。間一日有商于二車之命。
實以十月三日到郡。重陽已過。殘菊尚多。意夢已
徵矣。今忽然一歲。又逼登高。追續前詩。因成四韻。
節近登高忽嘆嗟。經年憔悴別京華。二車何處搔蓬鬢。九
日山川見菊花。夢裏榮衰安足道。眼前杯酒且須賒。商于
鄒魯雖迢遞。大底攜家即是家。

仲咸就嘉郡印。因以四韻爲賀。且有以勉之。
如何小郡滯清賢。未得微歸振鷺班。莫怕三年持漢詔。猶
勝遷客卧商山。俱諳宦路須推命。同有詩情令好閑。唯是

謫官無考限。比君知向幾時還。

寄豐陽喻長官

七十年華鬢未霜。道情偏稱宰豐陽。且衙請印無仇覽。陽豐
戶不滿千。夜榻圍棋祇孟光。喻好茶與庭戶萬重嵐氣盛。陽
例省主簿。盤餐數飢藥苗香。猶言彭澤終歸去。門柳青青檻菊黃。

喜雪貽仲咸

半冬無雪懶吟詩。薄暮紛紛喜可知。衣上惹來看不足。竹
邊聽處立多時。光迷曙色侵窓早。片舞寒空到地遲。今日
使君吟望好。一車飛絮醉寒帷。

齊後望山中春雪

誰種離離碎玉苗。曉樓吟望興偏饒。白雲作伴宜長在。紅
日無情已半銷。聚映早霞明野寺。散隨春水過溪橋。世間

安得王摩詰。醉展霜縑把筆描。

杏花七首

紅芳紫萼怯春寒。蓓蕾粘枝密作團。記得觀燈鳳樓上。百
條銀燭淚闌干。

暖映垂楊曲檻邊。一堆紅雪罩春煙。春來自得風流伴。榆
莢休拋買笑錢。

桃紅梨白莫爭春。素態妖姿兩未勻。日暮墻頭試回首。不
施朱粉是東鄰。

長愁風雨暗離披。醉遠吟看得幾時。只有流鶯偏稱意。夜
來偷宿最繁枝。

登龍曾入少年場。錫宴瓊林醉御觴。爭戴滿頭紅爛熳。至
今猶雜桂枝香。

長安廢棄遷都後。曲沼荒涼一夢中。見說舊園爲茂草。寂寥無復萬枝紅。
陌上紛披枝上稀。多情猶解撲人衣。雙成灑道迎王母。十里濛濛絳雪飛。

日長簡仲咸

日長何計到黃昏。郡僻官閑晝掩門。子美集開詩世界。伯陽書見道根源。風騷北院花千片。月上東樓酒一樽。不是同年來守郡。此心牢落共誰論。

自嘲

三月降霜花木死。九秋飛雪麥禾災。蟲蝗水旱霖霑雨。盡逐商山副使來。

偶聞小園因題二首

千眼春畦兩眼泉。置來因得弄潺湲。三年謫宦供厨菜。數月朝行買宅錢。空媿先師輕學圃。未如平子便歸田。此心久畜耕山計。不敢拋官爲左遷。

偶營菜圃爲盤飧。淮瀆祠前水北村。泉響靜連衙鼓響。柴門深近子城門。濛濛細雨春蔬甲。疊疊寒流老樹根。從此蒔于地圖上。畫工添个舍人園。

三月二十七日偶作簡仲咸

一未量移一轉勳。時數後予未量移。仲咸祇加騎都尉。貂冠羊胃摠非真。檢校常侍故云貂冠仲咸騎都尉故云羊胃。韶光祇有兩三日。浮世稀逢七十人。青杏勸君重酌酒。牡丹邀我且尊春。請看富貴趙中令。已作此却山下塵。

別丹水

曾經爛漫濯吾纓。忍別潺湲月夜聲。便入紅塵染詩思。吟魂猶合數年清。

寄潘處士

賣藥先生白布衣。書來方信在京師。滅君爐裏燒丹術。助我山中買酒貲。處士自京寄白金相贈開似野雲終不住。閉如籠鶴已多時。飄飄又去黃河北。更負中條幾首詩。

自寬

身世龍鍾且自寬。追量才分合飢寒。朝中舊友休誇貴。篋裏新詩不博官。曉髮靜梳微叢落。夜琴閑拂古風殘。會須歸去滄江上。累石移莎擁釣灘。

贈衛尉宋卿二十二丈

謫宦歸來髮更斑。徊翔猶在寺卿閑。幾多僚友三台上。大

半生徒兩制。聞舊賜錦袍。多貫酒。新裁紗帽。欲歸山東垣。小諫龍鍾甚。空媿洪爐早鑄顏。

送融州任吳戶曹撰越王愛姬墓誌得罪

御前曾取好科名。一椽如何萬里行。身落蠻方人共惜。罪因文學自為榮。吏供版籍多魚稅。民種山田見象耕。君看咸通十司戶。投荒終久是公卿。

寧公新拜首座因贈

著書新奏御。上詔承旨蘇公道士韓德純與公集三優詔教聖賢事迹各五十卷故有首座之命優詔及禪扉。首座名雖貴。家山老未歸。磬聲寒遶枕。塔影靜侵衣。終憶西湖上。秋風白鳥飛。

幕次閑吟三首

二年憔悴詠江籬。恩詔重教侍玉墀。寓直掖垣休入夢。常

參幕次且吟詩。新文自負山中集。舊吏多驚鬢畔絲。莫道
諫官無一事。猶勝閑卧解州時。

文章曾受帝褒稱。幕次孤吟冷似冰。借馬趨朝長後到。問
人求米盡難憑。僮奴罷樂朝無酒。兒廢看書夜絕燈。除却
金章在腰下。其餘滋味一如僧。

江籬吟盡鬢成霜。謫宦歸來夢一場。每日祇窺丹鳳案。被
人猶喚紫薇郎。齋宮獨坐風翻幕。客舍閑吟葉滿床。若是
承明容再入。未曾荒廢舊文章。

寄題義門胡氏華林書院

水閣山齋架碧虛。亭亭華表映門閭。力田歲取千箱稻。好
事家藏萬卷書。旋對杯盤燒野筍。別開池沼養溪魚。吾生
未有林泉計。空媿妨賢卧直廬。

送張監察通判餘杭

郡城瀟灑浙江濱。暫輟乘驄慰遠民。莫放霜威誇御史。且
收風景屬詩人。雪侵樓上迎潮眼。花擁湖中泛月身。盡是
公餘吟咏處。好飛佳句寄詞臣。

書齋

年年賃宅住閑坊。也作幽齋作道裝。守靜便為生白室。著
書兼是草玄堂。屏山獨卧千峰雪。御札時開一炷香。莫笑
未歸田里去。宦途機巧盡能忘。

送柴諫議之任河中

蒲津名郡得名公。諫紙盈箱且罷封。紅藥堦墀曾吐鳳。綠
莎廳事舊鳴螿。故事河府院有綠莎廳。唐來治平時好事者嘗加遊觀。兵興之後為不好事削去之。
公好事者也。可復此景故云。下車首謁重華廟。入境先經五老峰。見說

丘門詩版在。應教回也。繼遺蹤。故兵部王侍郎常知河府公之座主也。

送李著作

芸閣新銜捧詔歸。歷陽湖畔拜庭闈。已聞愛子披朱綬。著作郎君已猶學嬰兒著綵衣。飯饋海陵紅稻軟。鱸擊淮水白魚肥。吾生自失榮親祿。謾踏花磚入北扉。

滁州官舍

忽從天上謫人間。知向山州住幾年。俸外不教收果實。公餘多愛入林泉。朝簪未解雖妨道。官路無機即是禪。鈴閣悄然私自問。郡齋何異玉堂前。

今冬

休思官職落青雲。且算今冬病養身。白紙糊窓堪聽雪。紅爐著火別藏春。旋驚官醞漂浮蟻。時取溪魚削白鱗。况是

豐年公事少。為郎為郡似閑人。

高閑

謫官滁上欲何為。惟把高閑度歲時。費盡俸錢因合藥。忙于公事是吟詩。京中吏去慵傳信。江外僧來與撰碑。更待吾家婚嫁了。解龜休致未全遲。

臘月

臘月滁州始覺寒。年豐歲暮郡齋閑。官供好酒何憂雪。天與新詩合看山。日照野塘梅欲綻。燒迴荒徑草猶斑。吏人散後無公事。門戟森森夕鳥還。

有傷

壁上海牌催晝夜。案頭朝報見存亡。懸車又喪司空相。延閣新薨賈侍郎。二公相繼薨陶鑄官資經化筆。某登朝後所任官皆司空在中

書品題名姓在文場。子應舉時賈公以駕部員外知制誥同知貢舉遂蒙首冠多士總惟一慟無由得。徒灑春風淚數行。

寄杭州昭慶寺華嚴社主省常上人

夢幻吾身是偶然。勞生四十又三年。任誇西掖吟紅藥。何似東林種白蓮。入定雪龕燈焰直。講經霜殿磬聲圓。謫官不得餘杭郡。空寄僧高結社篇。

詩酒

白頭郎吏合歸耕。猶戀君恩典郡城。已覺功名乖素志。祇憑詩酒送浮生。剛腸減後微諷病。眼昏來細細傾樽杓。不空編集滿。未能將此換公卿。

贈朱巖

未得科名壽已衰。年年憔悴在京師。妻裝秋卷停燈坐。兒

趁朝冷乞米炊。尚對交朋賒酒飲。徧看卿相借驢騎。誰

所好還同我。韓柳文章李杜詩。巖妻能書

戲和壽州曾秘丞黃黃詩

黃黃真是小巫娥。買恐千金價不多。別母語嬌空有淚。對人聲顫未成歌。產從南國勝桃李。攜去東山隱薜蘿。滁上老郎無妓女。草玄讀易擬如何。

和朱巖留別依本韻

之子有文行。常流竊比難。揮毫秋露下。生文學餘力尤工篆隸開卷古風寒。塲屋推盟主。聲詩立將壇。論儒輕五伯。議古嫉三桓。師仰惟韓愈。才名壓李觀。生有師韓說固窮多短褐。憂道卽忘食。見訪山園郡。相逢菊滿欄。眼青憐造士。頭白愧郎官。罷舉層霄遠。監州勺水蟠。貧厨兼味少。市醞數杯酸。舊業

頰君勸新題爲我刊。生爲子刊小畜集又書入絕詩石臨岐留雅什。天馬感金鑾。

歲暮感懷

歲暮山城放逐臣。老從霄漢委泥塵。公卿別後全無信。兄弟書來祇說貧。眼看青山休未得。鬢垂華髮摘空頻。文章氣槩成何事。寔惹虛名誤此身。

茶園十二韻

勤王修歲貢。晚駕過郊原。蔽芾餘千本。青葱共一園。牙新撐老葉。新牙之上去。年舊葉尚在。土軟迸新根。舌小伴黃雀。毛獮摘綠猿。出蒸香更別。入焙火微溫。採近桐華節。生無穀雨痕。緘騰防遠道。進獻趁頭番。待破華胥夢。先經閭闔門。汲泉鳴玉甃。開宴壓瑤樽。茂育知天意。甄收荷主恩。沃心同直棘。

苦口類嘉言。未復金鑾召。年年奉至尊。

寒食

寒食江都郡。青旗賣楚醪。樓臺藏綠柳。籬落露紅桃。妓女穿輕屐。笙歌泛小舸。使君慵不出。愁坐讀離騷。

牡丹十六韻

艷絕百花慙。花中合面南。賦詩情莫倦。中酒病先甘。國色暉無對。天香亦不堪。遮須施錦帳。戴好上瑤簪。苞拆深擎露。枝拖翠出藍。半傾留粉蝶。微亞摘宜男。鄰妓臨粧妬。胡蜂得蕊貪。忽行晴吹動。濃睡曉烟含。話別年經一。相逢月又三。遣誰擗白髮。爲爾換新衫。池館邀賓看。衙庭放吏參。仙娥喧道院。魔女逼禪庵。道院禪庵皆公署內所有亂折窠難惜。分題韻更探。歌歡殊未厭。零落痛曾諳。穀雨供湯沐。黃鸝助笑

談顏生如見此未免也醺酣顏回不飲酒

芍藥開花憶牡丹

風雨無情落牡丹。翻階紅藥滿朱欄。明皇幸蜀楊妃死。縱有嬪嬙不喜看。

海仙花詩 并序

海仙花者世謂之錦帶維揚人傳云初得于海州山谷間其枝長而花密若錦帶然其花未開如海棠既開如木瓜而繁麗懦弱過之一朵滿頭冠不克荷惜其不香而無子第可鈎壓其條移植他所因以釋草釋木驗之皆無有也近之好事者作花譜以海棠為花中神仙子謂此花不在海棠下宜以仙為號日之錦帶俚俗甚焉又取始得之地名曰海仙且賦詩一章以存其名題詩

僧壁

一堆絳雪壓春叢。嫋嫋長條弄晚風。借問開時何所似。似將綉被覆董龍。春憎窈窕教無子。天為妖嬈不與香。盡日含毫難並比。花中應是衛莊姜。何年移植在僧家。一簇柔條綴綠霞。錦帶為名俚且俗。為君呼作海仙花。

后土廟瓊花詩二首 并序

揚州后土廟有花一株潔白可愛且其樹大而花繁不知實何木也俗謂之瓊花云因賦詩以狀其態。誰移琪樹下仙鄉。二月輕冰八月霜。若使壽陽公主在。自當羞見落梅粧。

春水薄薄壓枝柯。分與清香是月娥。忽似暑天深澗底。老
松擎雪白娑婆。

芍藥詩 并序

芍藥之義見毛鄭詩。百花之中其名最古。謝公直入中
書省詩云。紅藥當階翻。自後詞臣引爲故事。白少傅爲
主客郎中知制誥。有草詞畢詠芍藥詩。詞彩甚爲該備。
然自天后以來。牡丹始盛。而芍藥之艷衰矣。考其實。牡
丹初號木芍藥。蓋本同而未異也。予以端拱己丑歲。由
左司諫爲制誥舍人。後坐事黜。淳化甲午年。又以禮
部員外郎牽復舊職。尋以本官充翰林學士。則謝公白
傅之任皆踪躡矣。自出滁上移廣陵。追念綸閣。于今九
載。而編集之內。未嘗有芍藥詩。言于詞臣。不得無過。揚

州僧舍植數千本。牡丹落時。繁艷可愛。因賦詩三章。書

于僧壁

牡丹落盡正淒涼。紅藥開時醉一場。羽客諳傳尸解術。仙
家重蕪返魂香。蜂尋檀口論前事。露濕紅英試曉粧。曾黍
掖垣真舊物。多情應認紫薇郎。

東君留着占殘春。得得遲開亦有因。曾與掖垣留故事。又
來淮海伴詞臣。日燒紅艷排千朵。風遞清香滿四鄰。更愛
綠頭弄金縷。異時相對掌絲綸。

滿院勻開似赤城。帝鄉齊點上元燈。感傷綸閣多情客。珍
重維揚好事僧。酌處酒杯深蘸甲。拆來花朵細含稜。老郎
爲郡辜朝寄。除却吟詩百不能。

暮春

索寞紅芳又一年。老郎空解惜春殘。纔聞鶯囀誇楊柳。已被蟬聲哭牡丹。壯志休磨三尺劍。白頭誰藉兩梁冠。酒樽何必勞人勸。且折餘花更盡歡。

贈呂通秘丞

楚州監倉

聞君公事苦喧卑。紅粟堆邊獨斂眉。已入朝行翻掌庾。未如畿尉且吟詩。君前任畿尉堰頭笑傲同張祐。市裏優游比路隨。惟有才名藏不得。山陽留滯官多時。

贈省欽師

師善八分書。太宗召于殿上書數行。得賜紫衣。

舊隱何年別翠微。瀑泉聲外鎖禪扉。御前曾寫八分字。天上曾宣三事衣。燈照夜寒霜後冷。鼎烹秋菌雨中肥。終歸五老峰邊去。杯渡長江一錫飛。

送宋解處士之長安

簪笏盈門獨紹蘭。卧龍潛在八龍間。鴿原任說朝賢貴。鶴氅惟稱處士閑。靜按仙經燒大藥。狂挨僧壁畫遙山。老郎見說林歸計。分取圭峰並掩關。

贈狀元先輩孫僅

病中何事忽開顏。記得詩稱小狀元。子淳化辛卯歲贈君詩云。明年再就堯階試。應使人粉壁乍懸龍虎榜。錦標終屬鴿鴿原。青雲隨步登花塔。紅雪飄衣醉御園。還有一條遺恨處。不教英俊在吾門。

贈凌儀朱學士

潘岳花陰覆杏壇。門生叅謁絳紗寬。西垣久望神仙侶。北郭休誇父母官。雨屐送僧莎邏滑。夜棋留客竹齋寒。何時

瀑直來相繼。三入承明興漸闕。

青猿

小僕如猿狖。貧家備指呼。未堪隨馬足。已慣典魚須。時洗塵侵硯。閒收雨滴圖。歸田如有計。留負酒胡蘆。

項年謫官解梁。收得令狐補闕毛詩音義。其本乃會昌三年所寫。數行殘闕。後人添之。其筆跡乃工部

畢侍郎所補也。昨因問之。乃云亡失多年矣。作四韻以還之。

謫宦山州自訓童。因求書籍有遭逢。偶收毛鄭古詩義。認得歐虞舊筆蹤。南郡攜行心不足。此本自解梁徵廻便合

幕府不敢私誦。遂西齋送去手親封。塵侵煙染尤堪重。年

號標題歷武宗。

伏日偶作

移牀施簟就南軒。門掩閑坊半樹蟬。多病形容只有骨。食貧生計旋無錢。掖垣已忝年深直。朝謁終妨日晏眠。會解綸闈求郡印。早收餘俸卜歸田。

贈密直張諫議

先皇憂蜀輟樞臣。獨冒兵戈出劍門。萬里辭家堪下淚。四年歸闕似還魂。弟兄次序元投分。兒女親情又結婚。且喜相逢開口笑。甘陳功業不須論。

送第三人朱嚴先輩從事和州

賃船東下歷陽湖。榜眼科名釋褐初。賓職不憂無厚俸。郡齋惟喜有藏書。伴吟先買秋江雀。醒酒時烹晚市魚。廉使多情應問我。為言衰病似相如。

對雪示嘉祐

去年看雪在商州。使君命我山寺頭。峰巒草樹六百里。飢
饉凍身聲啾啾。山城窮陋無妓樂。何以銷得騷人愁。抱餅
自瀉不待勸。乘興一引連十甌。晚歸上馬頗自適。狂吟醉
舞夜不休。今年看雪在帝里。瑤臺瓊樹佳氣浮。朝回攬轡
聊四望。移下五城十二樓。樽中有酒翻不飲。鬱鬱不快非
怨尤。吾兒嬌駿未曉事。問我胡不私獻酬。因令把筆寫我
意。爲渠吟作雪中謳。昔爲副使不理事。待罪且免憂人憂。
今爲諫官非冗長。拾遺三館俸入優。秋來連澍百日雨。禾
黍飄蕩多不收。如今行潦占南畝。農夫失望無來麩。爾看
門外飢餓者。往往殍殍填渠溝。峩冠旅進又旅退。曾無一
事裨皇猷。俸錢一月數家賦。朝衣一襲幾人裘。安邊不學

趙充國。富民不作田千秋。胡爲碌碌事文筆。謫時頌聖如
俳優。一家衣食仰在我。縱得飽暖如狗偷。況我眼昏頭漸
白。安能隱几勤校仇。何時提汝婦。田去賣馬可易數隻牛。
深耕淺種苟自給。藜羹豆粥充飢喉。黍畦鋤理學元亮。瓜
田澆灌師秦侯。素飧免作疲人蠹。開卷免對古人羞。未行
此志吾戚戚。對酒不飲抑有由。斯言不敢向人道。語爾小
子爲貽謀。

送晁監丞赴婺州關市之役

關征市賦縻賢俊。誰愛此官爲吏隱。將作晁丞于役時。婺
女星臨海邊郡。黃絹辭高位尚卑。白華行潔身猶困。會待
時來卽併伸。也知道在終無悶。君不見路隨含笑坐市中。
屈身豈愧丹陽尹。又不見張生狂醉戀揚州。冬瓜堰下甘

肥遯此行况是奉皇華。數丈輕舸載一家。攜餅下岸買竹葉。挂席背風穿蓼花。霜晴震澤初嘗橘。泉過惠山應試茶。虎丘曉露靈隱雪。錢塘夜潮照湖月。密排詩景在途中。旋吟新句教兒童。漸近金華見集。五馬來迎使者車。應知驥足暫拘絀。八詠樓開頻啓宴。醉中官妓乞詞詩。剡溪紙貴抄新詞。他年誰獻子虛賦。召入金門五雲路。因息元白在江東。不似晁丞今獨步。

還揚州許書記家集

許淮孫進家集得官

君不見近代詩家流。胡為蹇滯多窮愁。孟郊憔悴死逆旅。浪仙斥逐長江頭。張生飄泊冬瓜堰。徒云輕薄萬戶侯。浩然無成鹿門去。李洞慟哭昭陵休。生無風教興王化。死無勳爵貽孫謀。可憐道日已替。風騷委地何人收。高陽許

公精定義。獨向聖朝生。後嗣因將先。與進九重。高步金臺。

曳珠履。祖德光輝。聖主知府尹。賢明丞相子。時維揚權牧

子相廣陵郡大古九州。記室官清外三事。遂令天下學詩人。

徒羨君家窮四始。我來迎侍遊江都。玳筵往往陪歡娛。遂

求家集恣吟諷。海波乾處堆珊瑚。因思賈孟數家一何苦。

詩鬼嗷嗷餒無主。子孫淪沒誰及君。閑倚紅蓮傾淥醕。草

檄餘閑好賦詩。莫放風情忝爾祖。

酬處才上人

我聞三代淳且質。誰人熙熙誰信佛。茹蔬剃髮在西戎。梵法不敢干華風。周家子孫胡不肖。奢淫僭亂際王道。秦皇漢帝又雜伯。亦以威刑取天下。蒼生哀苦不自知。從此中國羨西陲。無端更作金人夢。萬里迎來萬民重。為君為相

猶皈依。唾唾龔俗誰敢非。若教却似周公時。生民豈肯顧
披緇。可憐嗷嗷避征役。半入金田不耕織。君子之道動卽
窮。亦有賢達藏其中。上人來自九華山。叩門遺我瓊瑤編。
錚錚五軸餘百篇。定交仍以書爲先。書中不說經文中。不
言佛。有心直欲興文物。感師自遠來相親。爲師畫卦成同
人。出門無咎非羣分。袈裟累綬何足云。

和馮中允爐邊偶作

誰爲東君掌青律。故將春日連人日。春日雨絲暖融融。人
日雪花寒慄慄。雨雪寒暖苦不同。可比交情去就中。仲咸
擁爐發歌詠。古風激破澆漓風。人情離合古來有。召公初
亦疑周公。汾陽臨淮本仇隙。一旦分兵若親戚。四公翻覆
人不訕。各各操心爲邦國。此外譎張多爲已。反掌背面如

千里張耳陳餘不忍言。魏其武安何足齒。我愛中允君子
心。心與人交淡如水。別有人間勢利徒。一去一就隨榮枯。
西漢董賢方佞倖。孔光迎拜卑如奴。是時楊雄在東觀。投
閣欲死無人扶。有唐力士夫人死。朝士執喪平聲如喪妣。是
時李白放江邊。憔悴無人供酒錢。小人之性何所似。真如
蜂蝶并螻蟻。尋香逐臭苟朝昏。豈願松篁與蘭茝。重君誓
心一何極。澗底松兮陵上栢。澗松陵栢有朽時。我約君心
無改易。

烏啄瘡驢詩

商山老烏何慘酷。喙長于釘利于鏃。拾蟲啄卵從爾爲。安
得殘我負瘡畜。我從去歲謫商于。行李惟存一蹇驢。來登
秦嶺又巉岩。爲我馱背百卷書。穿皮露脊痕連腹。半年治

療將平復。老鳥昨日忽下來。啄破舊瘡取新肉。驢號僕叫
鳥已飛。薊豸振毛坐吾屋。我驢我僕奈爾何。悔不挾彈更
張羅。賴是商山多鷲鳥。便問鄰家借秋鷄。鉄爾拳兮鈎爾
爪。折鳥頸兮食鳥腦。豈惟取爾飢腸飽。亦與瘡驢復仇了。

拍板謠

麻姑親採扶桑木。鏤脆排焦其數六。雙成捧立王母前。曾
按瑤池白雲曲。幾時流落來人間。梨園部中齊管絃。管絃
纔動我能應。知音審樂功何全。吳宮女兒手如筍。執向玳
筵爲樂準。數聲慢仙人屐齒下雲樓。老狐臘月渡黃河。緩
步輕輕踏水片。數聲急空江電打漁翁笠。鯨人泣對水精
盤。滿把珠璣連瀉入。翻然一聲送曲徹。山基射透七重札。
金輦冷落間無聞。隴頭凍把泉聲絕。律呂與我數自齊。絲

竹望我爲宗師。總驅節奏在術內。歌舞之人無我欺。所以
唐相牛僧孺爲文命之爲樂句。

筵上狂詩送侍綦衣襖天使

昔事先皇叨近侍。北門西掖華清地。太宗多材復多藝。萬
機餘暇翻碁勢。對面千里爲第一。獨飛天蛾爲第二。第三
海底取明珠。三陣堂堂皆御製。中侍宣來示近臣。天機秘
密通鬼神。乃知碁法同軍法。旣戒貪心又嫌怯。惟宜靜勝
守封疆。不樂窮兵用戈甲。先皇三勢有深旨。豈獨一枰而
已矣。當時受賜感君恩。藏于篋笥傳子孫。至道年中出滁
上。失脚青雲空悵望。移典維揚日望還。軒轅鼎成飛上天。
龍鬣忽斷攀不得。舊朝衣上淚潺湲。吾皇曲念先朝物。徵
歸再掌西垣筆。悲涼忽見紅藥開。哭臨空隨梓宮出。去年

領郡得齊安。山州僻陋在江干。黃民誰識舊學士。白頭猶
在老郎官。昨日江邊天使到。隨例霑恩着衣襖。皇華本是
江南客。久侍先皇對棊奕。筵中偶說當年事。三勢分明皆
記得。我從失職別上臺。御書深鎖不將來。遙想棊圖在私
室。天香散盡空塵埃。今日因君聊話及。翻作停杯向隅泣。
人生不易逢聖朝。君恩未報雙鬢凋。金鑿殿花春灼灼。永
熙陵樹夜蕭蕭。空嘆拖腸在泥土。不如舐鼎升烟霄。多病
相如猶未死。追思往事欲魂消。星使今辰迴馬首。強對離
筵滿傾酒。悲歌一曲從事書。唱與朝中舊知友。

還楊遂蜀中集

上玄茫昧胡爲乎。施設吾道生吾徒。否多泰少是天意。生
有述作死不虛。聖人憂患方演易。賢者窮愁始著書。盡令

富貴陷逸樂。蠢蠢戢戢如雞豬。猥狀無物作時瑞。誰識鳳
皇與騶虞。經史子集燦今古。粉繪帝道張皇謨。一言可採
卽不朽。名姓張與日月俱。乃知天心厚我輩。窮辱不足形
悲呼。夫君擢秀在江左。國小而逼何區區。科名始得值兵
火。金陵坐見成丘墟。歸朝纔得一贊善。黜降重爲縣大夫。
彰明僻遠在蜀道。又遇祆賊攻成都。徒行抱印入隴氏。乞
食落何崎嶇。歸來朝責作主簿。朱衣暗淡鬢毛疎。昨朝
投我蜀中作錚狀。一集如瓊琬。杜甫悲窳吟不輟。庾信悲
哀情有餘。我逢聖代自多難。謾誇三入承明廬。近令編綴
小畜集。文筆詩賦何紛如。才名官職不兩立。真宰折刻分
毫銖。郎官疎遠旣未貴。縣吏禮數不足拘。相逢且說文章
樂。爲君酌酒焚枯魚。

騎省集鈔

二

徐鉉字鼎臣會稽人與弟錯未弱冠以文行稱仕南唐
三主歷官至吏部尚書右僕射機命制誥咸出其手文
章議論與韓熙載齊名宋問罪江南請使見太祖乞存
辨論不屈太祖亦嘉禮之後隨後主歸宋授太子率更
令改左散騎常侍累封東海郡開國侯校工部尚書
卒年七十六精於篆隸修許氏說文自撰韻譜江南馮
延巳曰凡人爲文皆事奇語不爾則不足觀惟徐公率
意而成自造精極詩冶衍適麗具元和風律而無渙忍
纖阿之習初嗣主以讒貶移饒州適周世宗兵過淮鉉
卽榜小舟歸昇州賦詩有云一夜黃星照官渡本初何
面見田豐其伉直如此大梁以後氣稍衰萃矣蓋情鬱

馬行集
為聲。悽楚宛折，則難言之。意多焉。

寒食宿陳公塘上

垂楊界官道。茅屋倚高坡。月下春塘水。風中牧豎歌。折花
閑立久。對酒遠情多。今夜孤亭夢。悠揚奈爾何。

登甘露寺北望

京口潮來曲岸平。海門風起浪花生。人行沙上見日影。舟
過江中間櫓聲。芳草遠迷楊子渡。宿煙籠映廣陵城。游人
鄉思應如橘。相望須含兩地情。

京口江際弄水

退公求靜獨臨川。楊子江南二月天。百尺翠屏甘露閣。數
帆晴日海門船。波澄瀨石寒如玉。草接汀蘋綠似煙。安得
乘槎更東去。十洲風外弄潺湲。

重遊木蘭亭

繚繞長堤帶碧灣。昔年遊此尚青衿。蘭橈破浪城陰直。玉
勒穿花苑樹深。宦路塵埃成久別。仙家風景有誰尋。那知
年長多情後。重凭闌干一獨吟。

送魏舍人仲甫為蘄州判官

從事蘄春與自長。蘄人應識紫微郎。山資足後拋名路。蕪
菜秋來憶故鄉。以道卷舒猶自適。臨戎談笑固無妨。如聞
郡閣吹橫笛。時望青谿憶野王。

宿蔣帝廟明日遊山南諸寺

便返城闈尚未甘。更從山北到山南。花枝似雪春雖半。桂
魄如眉日始三。松蓋遮門寒黯黯。柳絲妨路翠繚繚。登臨
莫怪偏留戀。遊宦多年事事諳。

愛敬寺有老僧嘗遊長安言秦雍間事歷歷可聽因
贈此詩兼示同行客

白首棲禪者。嘗談灞滻遊。能令過江客。偏起失鄉愁。室倚
槐花掩。門臨杜若洲。城中無此景。將子剩淹留。

和殷舍人蕭員外春雪

萬里春陰乍履端。廣庭風起玉塵乾。梅花嶺上連天白。蕙
草堦前特地寒。晴去便爲經歲別。興來何惜徹宵看。此時
鴛侶皆閑暇。贈答詩成禁漏殘。

從兄龍武將軍歿于邊戍過舊營宅作

前年都尉沒邊城。帳下何人領舊兵。徼外瘴煙沉鼓角。山
前秋日照銘旌。笙歌却返烏衣巷。部曲皆還細柳營。今日
園林過寒食。馬蹄猶擬入門行。

景陽臺懷古

六言

後主亡家不悔。江南異代長春。今日景陽臺上。閉入何用
傷神。

寄駕部郎中

瞻

賤子乖慵性。頻爲省直牽。交親每相見。多在相門前。君獨
疎名路。爲郎過十年。炎風久成別。南望思悠然。

秋日雨中與蕭贊善訪殷舍人於翰林座中作

野出西垣步步遲。秋光如水雨如絲。銅龍樓下逢閑客。紅
藥堦前訪舊知。亂點乍滋承露處。碎聲因想滴蓬時。銀臺
鎖入須歸去。不惜餘歡盡酒卮。

和明道人宿山寺

聞道經行處。山前與水陽。磬聲淡小院。燈影迥高房。落宿

依樓角。歸雲擁殿廊。羨師閑未得。早起逐班行。

晚歸

暑服道情出。煙街薄暮還。風清飄短袂。馬健弄連環。水靜聞歸櫓。霞明見遠山。過從本無事。從此涉旬間。

除夜

寒燈耿耿漏遲遲。送故迎新了不欺。往事并隨殘曆日。春風寧識舊容儀。預慙歲酒難先飲。更對鄉儻羨小兒。吟罷明朝贈知己。便須題作去年詩。

正初答鍾郎中見寄

高齋遲景雪初晴。風拂喬枝待早鶯。南省郎官名籍籍。東隣妓女字英英。流年倏忽成陳事。春物依稀有舊情。新歲相思自過訪。不煩虛左遠相迎。

江舍人宅筵上有妓唱和州薛舍人歌辭因以寄

良宵絲竹偶成歡。中有佳人俯翠鬟。白雪飄飄傳樂府。阮郎憔悴在人間。清風朗月長相憶。佩蕙紉蘭早晚還。淡夜酒空筵欲散。向隅惆悵鬢堪斑。

寒食日作

厨冷煙初禁。門閑日更斜。東風不好事。吹落滿庭花。過社紛紛燕。新晴淡淡霞。京都盛遊觀。誰訪子雲家。

賀殷游二舍人入翰林江給事拜中丞

清晨待漏獨徘徊。霄漢懸心不易裁。閣老淡嚴歸翰苑。夕郎威望拜霜臺。青綾對覆蓬壺晚。赤棒前驅道路開。猶有西垣廳記在。莫忘同草紫泥來。

送歐陽太監遊廬山

家家門外廬山路。唯有夫君乞假遊。案牘乍拋公署晚。林泉已近洞天秋。海潮盡處逢陶石。江月圓時上庾樓。此去蕭然好長往。人間何事不悠悠。

秋日廬龍村舍

置却人間事。閒從野老遊。樹聲村店晚。草色古城秋。獨鳥飛天外。閑雲度隴頭。姓名君莫問。山木與虛舟。

和蕭郎中小雪日作

征西府裏日西斜。獨試新爐自煮茶。籬菊盡來低覆水。塞鴻飛去遠連霞。寂寥小雪關中過。斑駁輕霜鬢上加。算得流年無奈處。莫將詩句祝蒼華。

中書相公谿亭閑宴依韻

李史勳

雨霽秋光晚。亭虛野興迴。沙鷗掠岸去。溪水上階來。客傲

風歛。幘筵香菊在杯。東山長許醉。何事憶天台。

寄饒州王郎中效李白體

珍重王光嗣。交情尚在不。蕪城連宅住。楚塞並車游。別後官三改。年來歲六周。銀鈎無一字。何以緩離愁。

寄歙州呂判官

任公郡占好山川。谿水縈迴路屈盤。南國自來推勝境。故人此地作郎官。風光適意須留戀。祿秩資貧且喜歡。莫憶班行重迴首。是非多處是長安。

宣威苗將軍貶官後重經故宅

蔣山南望近西坊。亭館依然鑲院牆。天子未嘗過細柳。將軍尋已戍燉煌。史萬歲嘗謫戍燉煌欹傾怪石山無色。零落圓荷水不香。爲將爲儒皆寂寞。門前愁殺馬中郎。

附池州薛郎中書因寄歙州張員外

新安從事舊臺郎。直氣多才不可忘。一旦江山馳別夢。幾年簪紱共周行。岐分出處何方是。情共窮通此義長。因附鄰州寄消息。接與今日信爲狂。

寄江都路員外

吾兄失意在東都。聞說襟懷任所如。已縱乖慵爲傲吏。有何關鍵制豪胥。縣齋曉閉多移病。南畝秋荒憶遂初。知道故人相憶否。嵇康不得嬾修書。

送應之道人歸江西

曾騎竹馬傍洪崖。二十餘年變物華。客夢等閒過驛閣。歸帆遙羨指龍沙。名題小篆矜垂露。詩作吳吟對綺霞。歲暮定知迴未得。信來憑爲寄梅花。

臨石步港

碕岸隳縈帶。微風起細漣。綠陰三月後。倒影亂峰前。吹浪游鱗小。黏苔碎石圓。會將腰下組。換取釣魚船。

病題二首

性靈慵懶百無能。唯被朝參遣夙興。聖主優容恩未答。丹經疎闕病相陵。脾傷對客偏愁酒。眼暗看書每愧燈。進與時乖不知退。可憐身計謾騰騰。
人間多事本難論。况是人間懶慢人。不解養生何怪病。已能知命敢辭貧。向空咄咄煩書字。與世滔滔莫問津。金馬門前君識否。東方曼倩是前身。

寄江州蕭給事

夕郎憂國不憂身。今向天涯作逐臣。魂夢暗馳龍闕曙。曠

吟閑繞虎谿春。朝車載酒過山寺。諫紙題詩寄野人。惆悵
儒夫何足道。自離羣後已同塵。

和州酬江中丞見寄

賈傅南遷久。江關道路遙。北來空見雁。西去不如潮。鼠穴
依城社。鴻飛在汶寥。高低各有處。不擬更相招。

和鍾郎中送朱先輩還京丞寄

分司洗馬無人問。詞客殷勤輟棹過。蒼蘚滿庭行徑小。高
梧臨檻雨聲多。春愁盡付千杯酒。鄉思遙聞一曲歌。且共
勝遊消永日。西岡風物近如何。

送郝郎中爲浙西判官

大藩從事本優賢。幕府仍當北固前。花繞樓臺山倚郭。寺
臨江海水連天。恐君到卽忘歸日。憶我遊曾歷二年。若許

他時作閑伴。殷勤爲買釣魚船。

陪王庶子遊後湖涵虛閣 東宮園

懸圃清虛乍過秋。看山尋水上茲樓。輕鷗的的飛難沒。紅
葉紛紛晚更稠。風卷微雲分遠岫。浪搖晴日照中州。躋攀
况有承華客。如在南皮奉勝遊。

柳枝辭十二首

把酒憑君唱柳枝。也從絲管遽相隨。逢春只合朝朝醉。記
取秋風葉落時。

南園日暮起春風。吹散楊花雪滿空。不惜楊花飛也得。愁
君老盡臉邊紅。

陌上朱門柳映花。簾鈎半捲綠陰斜。憑郎暫駐青驄馬。此
是錢塘小小家。

夾岸朱顏柳映樓。綠波平慢帶花流。歌聲不出長條密。忽地風回見綵舟。

老大逢春總恨春。綠楊陰裏最愁人。舊遊一別無因見。嫩葉如眉處處新。

濛濛堤岸柳含煙。疑是陽和二月天。醉裏不知時節改。漫隨兒女打鞦韆。

水閣春來乍減寒。曉粧初罷倚欄干。長條亂拂春波動。不許佳人照影看。

柳岸煙昏醉裏歸。不知深處有芳菲。重來已見花飄盡。惟有黃鸝轉樹飛。

此去仙源不是遙。垂楊深處有朱橋。共君同過朱橋去。密映垂楊聽洞簫。

別揚州十度春。不知光景屬何人。一帆歸客千條柳。腸斷東風楊子津。

仙樂春來按舞腰。清聲偏似傍嬌嬈。應緣鸞舌多情賴。長向雙成說翠條。

鳳笙臨檻不能吹。舞袖當筵亦自疑。唯有美人多意緒。解衣芳態畫雙眉。

貶官秦州出城作

浮名浮利信悠悠。四海干戈痛主憂。三諫不從爲逐客。一身無累似虛舟。滿朝權貴皆曾忤。繞郭林泉已徧遊。惟有戀恩終不改。半程猶自望城樓。

過江

別路知何極。離腸有所思。登艫望程遠。搖櫓過江遲。斷岸

馬省身金
煙中失。長天水際垂。此心非橘柚。不爲兩鄉移。

贈維揚故人

東京少長認維桑。書劔誰家入帝鄉。一事無成空放逐。故人相見重淒涼。樓臺寂寞官河晚。人物稀疏驛路長。莫怪臨風惆悵久。十年春色憶維揚。

秦州道中却寄東京故人

風緊雨淒淒。川迴岸漸低。吳州林外近。隋苑霧中迷。聚散紛如此。悲歡豈易齊。料君殘酒醒。還聽子規啼。

得浙西郝判官書未及報聞燕王移鎮京口因寄此詩問方判官田書記消息

秋風海上久離居。曾到劉公一紙書。淡水心情長若此。銀鈞蹤跡更無如。嘗憂座側飛鴉鳥。未暇江中覓鯉魚。今日

京吳建朱邸。問君誰共曳長裾。

王三十七自京丞訪作此送之

失鄉遷客在天涯。門掩苔垣向水斜。只就鱗鴻求遠信。敢言車馬訪貧家。烟生柳岸將垂縷。雪壓梅園半是花。惆悵明朝樽酒散。夢魂相送到京華。

寒食成判官丞訪因贈

常年寒食在京華。今歲清明在海涯。遠巷蹋歌深夜月。隔墻吹管數枝花。鴛鴦得路音塵潤。鴻雁分飛道里賒。不是多情成二十。斷無人解訪貧家。

送客至城西望圖山因寄浙西府中

牧叟鄒生笑語同。莫嗟江上聽秋風。君看逐客思鄉處。猶在圖山更向東。

九日雨中

茱萸房重雨霏微。去國逢秋此恨稀。目極暫登臺上望。心
遙長向夢中歸。荼蘼路遠愁霜早。兄弟鄉遙羨雁飛。唯有
多情一枝菊。滿杯顏色自依依。

寄外甥苗仲武

放逐今來瘴海邊。親情多在鳳臺前。且將聚散為閑事。須
信華枯是偶然。蟬噪疎林村倚郭。鳥飛殘照水連天。此中
惟欠韓康伯。共對秋風詠數篇。

寄從兄憲兼示二弟

別路吳將楚。離憂弟與兄。斷雲驚晚吹。秋色滿孤城。信遠
鴻初下。鄉遙月共明。一枝棲未穩。回首望三京。

附書與鍾郎中因寄京妓越賓

暮春橋下手封書。海陵橋名寄向江南問越姑。不道諸郎少歡

笑。經年相別憶儂無。

亞元舍人不替深知猥貽佳作三篇清絕不敢輕酬

因為長歌聊以為報未竟復得子喬校書示問故

兼寄陳君庶資一笑耳

海陵城裏春正月。海畔朝陽照殘雪。城中有客獨登樓。遙
望天邊白銀闕。天帝以黃金白雲闕下何英英。雕鞍繡轂
趨承明。聞門曉闕旌旗影。玉墀風細佩環聲。此處追飛皆
俊彥。當年何事容疵賤。懷鈔晝坐紫微宮。焚香夜直明光
殿。王言簡靜官司閑。朋好殷勤多往還。新亭風景如東洛。
却嶺林泉似北山。光陰暗度盃盂裏。職業未妨談笑間。有
時邀賓復攜妓。造門不問都非是。酣歌叫笑驚四隣。賦筆

縱橫動手字。任他銀箭轉更籌。不怕金吾司夜吏。可憐諸
 貴賢且才。時情物望兩無猜。伊余獨稟狂狷性。福量多言
 仍薄命。吞舟可漏豈無恩。負乘自貽非不幸。一朝削跡為
 遷客。旦暮青雲千里隔。離鴻別鴈各分飛。折柳攀花兩無
 色。盧龍渡口問迷津。瓜步山前送暮春。去年三月二十日
 沙江上曾行路。青林花落何紛紛。漢皇昔幸回中道。昇中
 東元遊。極目牛羊卧芳草。舊宅重游盡曠荒。故人相見多
 之路。衰老禪智寺山光橋。風瑟瑟兮雨蕭蕭。行杯已醒殘夢斷。
 征途未極離魂消。海陵郡中陶太守。相逢本是隨行舊。乍
 申拜起已開眉。却問辛勤還執手。精廬外榭最清幽。一稅
 征車聊駐留。閉門思過謝來客。知恩省分寬離憂。郡齋勝
 境有後池。山亭茵閣互參差。有時虛左來相召。舉白飛觴

任所為。多才太守能搥鼓。醉送金船問歌舞。酒酣耳熱眼
 生花。暫似京華歡會處。歸來旅館還端居。清風朗月夜窓
 虛。駉駉流景歲云暮。天涯望斷故人書。春來憑檻方歎息。
 仰頭忽見南來翼。足繫紅綫墮我前。引領長鳴如有言。開
 緘試讀相思字。乃是多情喬亞元。短韻三篇皆麗絕。小梅
 寄意情偏切。亞元詩云借問小梅應得信金蘭投分一何
 堅。銀鈎置袖終難滅。醉後狂言何足奇。感君知己不相遺。
 長卿曾作美人賦。立成今有責躬詩。錢去春醉中贈醉
 來篇所引。故以謝之。報章欲託還京信。筆拙紙窮情未盡。珍重芸香
 陳子喬。亦解貽書遠相問。寧須買藥療羈愁。只恨無書消
 郵客。子喬問藥物所要又游處當時靡不同。歡娛今日兩
 成空。天子尚應憐賈誼。時人未要嘲楊雄。曲終筆閣絨封

已翩翩驛騎行塵起。寄向中朝謝故人。爲說相思意如此。
送蒯司錄歸京

早年間有蒯先生。二十餘年道不行。抵掌曾論天下事。折
腰猶悟俗人情。老還上國歡娛少。貧聚歸資結束輕。遷客
臨流倍惆悵。冷風黃葉滿山城。

還過東都留守周公筵上贈座客

賈生三載在長沙。故友相思道路賒。已分中年甘寂寞。豈
知今日返京華。麟符上相恩偏厚。隋苑留歡日欲斜。明旦
江頭倍惆悵。遠山芳草映殘霞。

送楊郎中唐員外奉使湖南

江邊微雨柳條新。握節含香二使臣。兩綬對懸雲夢日。方
舟齊泛洞庭春。今朝草木逢新曆。昨日山川滿戰塵。同是

多情懷古客。不妨爲賦弔靈均。

和表弟包穎見寄

平生中表最情親。浮世那堪聚散頻。謝眺却令歸省閣。劉
楨猶自卧漳濱。舊遊半似前生事。要路多逢後進人。且喜
新吟報強健。明年相望杏園春。

使浙西先寄燕王侍中

京江風靜喜乘流。極目遙瞻萬歲樓。喜氣龍蒸甘露晚。水
煙波淡海門秋。五年不見鸞臺長。明日將陪兔苑遊。欲問
平津門下吏。相君還許吐茵不。

驛中七夕

七夕雨初霽。行人正憶家。江天望河漢。水館折蓮花。獨坐
涼何甚。微吟月易斜。今年不乞巧。鈍拙轉堪嗟。

贈浙西顧推官

盛府賓寮八十餘。閉門高卧興無如。梁王苑裏相逢早。浦城中得信疎。狼籍盃盤重會面。風流才調一如初。願君百歲猶强健。他日相尋隱士廬。

邵伯埭下寄南郵陳郎中

故人相別動經年。候館相逢倍慘然。顧我飲冰難輟棹。感君扶病為開筵。河灣水淺翹秋鷺。柳岸風微噪暮蟬。欲識酒醒魂斷處。謝公祠畔客亭前。

謫居舒州累得韓高二舍人書作此寄之

三峰煙靄碧臨谿。中有騷人理釣絲。會友少于分袂日。謫居多却在朝時。丹心歷歷吾終信。俗慮悠悠爾不知。珍重韓君與高子。殷勤書札寄相思。舒人以潛曉天柱為三峰

和張先輩見寄二首

去國離羣擲歲華。病容憔悴媿丹砂。谿連舍下衣長潤。山帶城邊日易斜。幾處垂鈎依野岸。有時披褐到鄰家。故人書札頻相慰。誰道西京道路賒。

清時淪放在山州。邛杖紗巾處處遊。野日蒼茫悲鵬舍。水風陰濕癸貂裘。雞鳴候旦寧辭晦。松節凌霜幾換秋。兩首新詩千里道。感君情分獨知丘。

印秀才至舒州見尋別後寄詩依韻和

羈游白社身雖屈。高步詞場道不卑。投分共為知我者。相尋多媿謫居時。離懷耿耿年來夢。厚意勤勤別後詩。今日谿邊正相憶。雪晴山秀柳絲垂。

送彭秀才

賈生去國已三年。短褐閑行皖水邊。盡日野雲生舍下。有時京信到門前。無人與和投湘賦。媿子來浮訪戴船。滿袖新詩好回去。莫隨騷客醉林泉。

移饒州別周使君

正憐東道感賢侯。何幸南冠脫楚囚。皖伯臺前收別宴。喬公亭下艤行舟。四年去國身將老。百郡徵兵主尚憂。更向鄱陽湖上去。青衫憔悴淚交流。

避難東歸依韻和黃秀才見寄

感感逢人問所之。東流相送向京畿。自甘逐客初蘭佩。不料平民著戰衣。樹帶荒村春冷落。江澄霽色霧霏微。時危道喪無才術。空首徘徊不忍歸。

訓郭先輩

太原郭夫子。行高文炳蔚。弱齡負世譽。一舉淤月窟。

仙籍及我竄羣舒。向風心鬱鬱。歸來暮江

上。雲霧一披拂。雷雨不下施。猶作池中物。念君介然氣。感時思奮發。示我數篇文。與我爭馳突。絲襦粲英華。理澈剖肌骨。古詩尤精奧。史論皆宏拔。舉此措諸民。何憂民不活。吁嗟吾道薄。與世長迂濶。顧我徒有心。數奇身正拙。論兵屬少年。經國須儒術。夫子無自輕。蒼生正愁疾。

和集賢鍾郎中

石渠冊府神仙署。當用明朝第一人。腰下別懸新印綬。座中皆是故交親。龍池樹色供清景。浴殿香風接近鄰。從此翻飛應更遠。徧尋三十六天春。

送黃梅江明府

江前為江夏令。有善政。今更舉小邑。賦詩留別。作此和之。

封疆多難正經綸。臺閣如何不用君。江上又勞爲小邑。篋中徒自有雄文。書生膽氣人誰信。遠俗歌謠注不聞。一首新詩無限意。再三吟詠向秋旻。

和蕭郎中。午日見寄。

細雨輕風采藥時。褰簾隱几更何爲。豈知澤畔紉蘭客。來赴城中角黍期。多罪靜思如劉棨。赦書纔聽似含飴。謝公制勝常閑暇。願接西川敵手碁。

送黃秀才姑熟辟命

世亂離情苦。家貧色養難。水雲孤棹去。風雨暮春寒。幕府才方急。騷人淚未乾。何時王道泰。萬里看鵬搏。

送王四十五歸東都

海內兵方起。離筵淚易垂。憐君負米去。惜此落花時。想憶

來信相寬指後期。殷勤手中柳。此是向南枝。

夢游三首

魂夢悠揚不奈何。夜來還在故人家。香蒙蠟燭時時暗。戶映屏風故故斜。檀的慢調銀字管。雲鬟低綴折枝花。天明又作人間別。洞口春深道路賒。

繡幌銀屏香靄間。若非魂夢到應難。牕前人靜偏宜夜。戶內春濃不識寒。蘸甲遮觴纖似玉。含詞忍笑膩於檀。錦書若要看名字。滿縣花開不姓潘。

南國佳人字玉兒。芙蓉雙臉遠山眉。仙郎有約長相憶。阿母無猜不得知。夢裏行雲還倏忽。暗中攜手乍疑遲。因思別後開牕下。織得迴文幾首詩。

和翰長聞西樞副隣居夜晏

開筵別有隣居興。卜夜應憐禁漏長。舊友不期爭命駕。新
姬憑寵剩傳觴。香煙結霧籠金鴨。燭焰成花照杏梁。京邑
衣冠多勝賞。鱸魚爭敢道思鄉。

和清源太保寄湖州潘郎中

老大離羣一倍愁。谿山風物且淹留。醞成春酒誰斟酌。抄
得新書自校讐。莫似牧之矜曠達。須教子重讓風流。恩門
舊忿知難忘。題取新詩上郡樓。

送蒯員外東遊舊治

百歲猶強健。知君卽地仙。孤飛下華表。太息問桑田。故吏
今誰在。高名昔共傳。伊余亦遺老。相送一潸然。

送王監丞之歷陽

歎息曾遊處。江邊故郡城。青襟空皓首。往事似前生。綠綬

君重結。華簪我尚榮。年衰俱近道。莫話別離情。

奉和武功學士舍人寄贈支懿大師

舊國荒涼成黍稷。故交危脆似琉璃。高人獨喜湯師在手
把新文。數道碑。

文似春花鋪曉陌。思如泉涌注長江。詩情道性知無夢。頻
見殘燈照曙牕。

已潔心源起世表。却緣詩句有時名。初聞行業如耆宿。及
見容顏是後生。

和錢祕監與邊

筵上詩題共筆牀。樽前酒興話高陽。心清自覺官曹簡。院
靜先知節候涼。南國少年推貴重。東堂前輩讓賢良。好看
雙鳳遠飛處。胡粉新塗紫界墻。

送周郎中還司

憶在廬山始識君。當時唯擬共眠雲。那知身計關前定。却向人間逐世紛。紫閣峰前欣欲往。銀臺門裏歎離羣。青囊舊有登真訣。莫遣閑人取次聞。

送高先輩南歸

鄉國悲前事。風光屬後生。名從天上得。身入故都行。草色初裁綬。鵬飛不算程。自憐枯朽思。相送剩含情。

送曾秀才

塗水神仙宅。仙山夾縣樓。吾孫好詩句。歸詠故鄉秋。紫竹遮書幌。紅蕉拂釣舟。東堂有平路。莫謁外諸侯。

寄玉笥山沈道士

珍重江南沈鍊師。未曾相識久相思。已全真氣能從俗。不

隆家風善賦詩。玉笥共遊

知早晚。金貂回顧覺喧卑。

書札遙相問。更筆刀圭換

白髭。

和蕭少卿見慶新居

湘浦懷沙已不疑。京城賜第豈前期。鼓聲到曉知坊遠。山色來多與靜宜。替履尚應憐故物。稻梁空自媿華池。新詩問我偏饒思。還念鷓鴣得一枝。

又和

驚蓬偶駐知多幸。斷鴈重聯愜素期。當戶小山如舊識。上墻幽蘚最相宜。清風不去因栽竹。隙地無多也鑿池。更喜良隣有佳樹。綠陰分得近南枝。

送彭秀才南遊

問君孤棹去何之。玉笥春風楚水西。山上斷雲分翠靄。林

間晴雲入澄溪。琴心酒趣。神相會。道士仙童手共攜。他日
時清更隨計。莫如劉阮洞中迷。

和明上人除夜見寄

酌酒圍爐久。愁襟默自增。長年逢歲暮。多病見兵興。夜色
開庭燎。寒威入硯冰。湯師無別念。吟坐一燈凝。

送從兄赴臨川幕

梁王籍寵就東藩。還召鄒枚坐兔園。今日好論天下事。昔
年曾受主人恩。石頭城下春潮滿。金柅亭邊綠樹繁。唯有
音書慰離別。一杯相送別無言。

